



文苑英華卷第二百二十二

釋門四

首七十

呂溫一首

張籍六首

姚合十首

于武陵二首

賈島二十首

釋無可十一首

劉得仁八首

朱慶餘三首

周賀九首

送文暢上人東遊

呂溫

隨緣聊振錫高步出東城月上

集作水上

無恒地雲行不計程

到時為彼岸過處即前生今日臨岐別吾徒自有情

送顥法師往太原

集作送僧遊五臺

兼謁李司空張籍

遠去見雙節因行上五臺化雲集作樓侵晚出集作曉隱路到

春集作雪開邊寺看烽過集作蓮胡兒聽法來定知巡禮

後解夏始應廻

送閩僧

前人

幾夏京城住今朝獨遠歸脩行四分律護淨七條衣溪寺

黃橙熟沙田紫芋肥九龍潭上路同去客應稀

送閑師歸江南

前人

遍住江南寺隨緣到上京多生脩律業外學得書集作詩名

講殿偏追入齋家得請行青楓鄉路遠幾日盡歸程

贈律師

前人

苦行長不出清羸最少年持齋唯一食尋律不集作講會

草每移徑瀝蟲還入泉從來天竺法到此幾人傳

山中贈日南僧

前人

獨向雙峯老松門閉兩崖集作涯翻經上蕉葉挂網集作衲落

橙集作藤花甃石新開井穿林自種茶時逢海南客蠻語問

誰家

贈箕山僧

前人

久住空林下長齋耳目清蒲團借客坐石磴甃人行似鶴

難知性因山強號名時聞衣袖裏闍槓念珠聲

寄元緒上人

姚合

石窓紫蘇牆此世此情涼研露題詩絮銷冰煮茗香閑雲

春影薄孤磬夜聲長何計休為吏從師老草堂

郡中書事寄默然上人

郡中饒野思

集作興

過客亦淹留看月江樓曉尋山石徑秋

竟歸何處老誰免此生愁長愛東林寺

集作子

安禪百事休

送贈默然

前人

出家侍母前至孝自通禪伏日江頭別秋風牆下眠鳥聲
猿更促石色樹相連此路多如此師行亦有緣

寄白石師

前人

白石師何在師禪白石中無情雲可比不食鳥難同履下
蒼苔雪龕前瀑布風相尋未有計只是禮虛空

送僧遊邊

前人

師向邊頭去邊人業障輕腥羶齋自潔部落講還成傳教

多離寺隨緣不計程三千世界內何處是無生

寄無可上人

十二門中寺詩僧寺獨幽多年松色別後夜磬聲秋見世

果皆熟

集作慮皆盡
文作果皆論

來生事更脩終期

集作須

執瓶履

集作履

相逐入牛頭

常州贈僧

前人

一住毗陵寺師應只信緣院貧人施食窻靜鳥窺禪古磬
聲難盡秋燈影集作色更鮮仍聞開講日湖上少魚船

送真實上人歸杭州天竺寺

前人

石橋寺裏最清涼聞說茅庵寄上方林外猿聲連曉磬

院磬又作磬韻

月中湖色到禪牀他生念我身何在此世唯師性

亦忘九陌相逢千里別青山重疊樹蒼蒼

送無可上人游越

前人

清晨相送集作訪立門前麻履方袍一少年懶讀經文求作

佛願攻詩句覓成仙芳春山影花連寺觸夜潮聲月滿船

今日送行偏惜別共師文字有因緣

寄靈一律師

梵書抄律千餘紙靜院焚香獨授持童子病來煙火絕清

泉漱口過齋時

夜尋僧僧遊山未歸

于武陵

數歇渡煙水漸非塵俗間泉聲入秋寺月色遍寒山石路

幾迴雪竹房猶閉關不知雙樹安在何處與雲閑

訪僧不遇

人間唯此路獨得一作長綠苔衣及戶無行跡遊方應未歸

平生何限事到此盡知非獨倚松門久陰雲昏翠微

寄無可上人

賈島

僻寺多高樹涼天憶重遊磬過溝水盡月入草堂秋穴蟻

苔痕靜藏蟬栢葉稠名山思徧徃早晚到高丘

寄龍池寺真空二上人

前人

受請終南住俱妨去石橋林中秋信絕峯頂夜禪遙寒草

煙藏虎高僧月照鵬霜天期到寺寺置即前朝

寄毗陵徹公

前人

身依吳寺老黃葉幾迴看早講林霜在孤禪隙月殘井通

潮浪遠鍾與角聲寒已有南浮約誰言禮謁難

寄默公

前人

已知歸白閣山遠曉

集作晚

晴看石室人心靜冰潭月影殘

微雲分片滅古木落新乾夜後風飄磬

集作後夜誰聞磬

西峯絕

頂寒

內道場僧弘紹

前人

麟德燃香請長安春幾迴夜閑同像寂晝定為吾開講罷

松根老經浮海水來六年雙足履只步院中苔

僻居無可上人相訪

前人

自從居此地少有事相關積雨荒林圃秋池照遠山硯中

枯葉落枕上斷雲閑野客將禪子依依偏往還

贈莊上人

前人

一作歌緯

不語焚香坐心知道已成流年衰此世定力見他生暮雪

餘春冷寒燈續晝明尋常五侯至敢望下堦迎

此詩二百三十五卷重出今已削去注異同為一作

喜無可上人遊山迴

前人

一食復何如尋山無定居相逢新夏蒲不見半年餘聽話

龍潭雪休傳鳥跡

集作道

書別來還似舊白髮日高梳

送天台僧

前人

遠夢歸華頂扁舟背嶽陽寒蔬脩淨食夜浪動禪牀鴈過

孤峯晚猿啼一樹霜身心無別念餘習在文章

送無可上人

前人

圭峯齊色新送此草堂人塵尾同離寺
蒼鳴暫別秦獨行潭底影數息樹邊身
終有煙霞約天台作近隣

送僧歸天台

辭秦經越過歸寺海西峯石澗雙流水
山門九里松曾聞清禁漏却聽赤城鍾
妙字研磨講應齊智者蹤

送敷法師

前人

度歲不相見嚴冬知出關孤煙寒色樹
高雪夕陽山瀑布寺應到牡丹房甚寒
去南朝遺跡在此去幾時還

送僧

前人

此生披衲過在世得身閑日午遊都市
天寒往華山言歸文字外意出有無間
仙掌雲邊樹巢禽時出關

送神邈法師

前人

柳絮落濛濛西州道路中相留春忽盡
獨去講初終行疾遙山雨眠遲後夜風
遶房三兩樹迴日葉應紅

送慈恩寺霄韻法師謁太原李司空

前人

何故謁司空雲山知幾重積遙來鴈盡
雪急去僧逢清磬先寒角禪燈徹曉烽
舊房閑片石傍着最高松

送知興上人

前人

久住巴興寺如今始拂衣欲臨秋水別
不向故山歸錫挂天涯樹房閑集作開
嶽頂扉下看萬里曉霜海日生微

送安南惟鑒法師

講經春殿裏花繞御牀飛南海幾迴度
集作過舊山臨老歸

觸風香損印霑雨磬生衣雲水路迢遶

集作湖遙蠻草落月濕島松微空水

既如彼往來消息稀

送覺興上人歸中條山兼謁河中李司空 前人

又憶西巖寺秦原草白時山尋樵徑上人到雪房遲暮壑

潭泉凍荒林野火移聞師新譯偈說擬對旄麾

贈僧

前人

從來只一作多

是遊山水省泊禪舟月下濤初過石橋年尚

少夕辭天柱臘應高青松帶雪懸銅錫白髮如霜落鐵刀

常恐畫工

一作師

援筆寫身長七尺有眉毫

寄無得頭陀

夏臘今應三十餘不離母山下塚間居貌堪良匠抽毫寫行

稱高僧讀傳書落澗水聲亦遠遠當空月色自如如白衣

只在青門裏心每相親跡且踈

冬日喜緒法師往岐陽禮塔廻

釋無可

又思今欲來雙履滑青苔掃雪從雲起過房禮塔廻句留

閑夜作禪請暫時開欲作孤雲去此時余不才

秋夜寄龍池寺真空二上人

前人

夜來思道侶木葉向人飄精舍池邊古秋山下遙磬聲

徹幾里雲白已終霄未得同居止翛然自寂寥

冬日寄青龍寺源上人

高僧詩作冬夜寄僧

前人

歛屨入寒竹安禪過漏聲高杉殘子落深井凍痕生罷磬

風枝動懸燈雪屋明何當招我宿乘月上方行

文苑英華 卷一百三十五
寄興善寺崔律師

前人

沐浴前朝像深秋白髮師從來居此寺應一作未省有東池
幽石叢圭片孤松動雪枝頃曾聽道語別起遠山思

寄圭峯宗密師

前人

絕壑禪牀底泉分落石層霧交高頂草雲影下方燈朝蒲
傾心客溪連學道僧半旬高僧詩作持時一食此行高僧詩作事有

誰能

送清徹遊太白山

前人

卷經歸太白躡躡別蘿龕若履浮雲上須看積翠南倚身
松入漢眼日月離潭此境堪長往塵中事可諧

送覺法師往中修舊隱

前人

葉動飄飄寒來話數霄卷經歸物外轉雪下山椒舊坐
杉松大難行石水遙元戎宗內學應就白雲招

送顓法師太原講兼謁李司空

前人

近臘辭精舍并州謁上公路長山忽盡塞廣雪無窮講席
開晴壘禪衣涉遠風聞經諸弟子應蒲北門中

冬晚姚諫議宅會送元緒上人歸山

前人

禪客詩家見疑寒忽過還分題廻諫筆留偈出商關盤徑
緣高雪開房在半山自知麋鹿性亦欲離人間

林下對雪送僧歸草堂寺

前人

殘臘雪紛紛林間起送君苦吟行廻野投跡向寒雲絕頂
晴多去遙泉凍未聞唯應草堂寺高枕脫人群

送契公自桂陽赴南海

前人

南行登嶺首與俗洗煩埃磬罷孤舟發禪移積瘴開午餐
湘鳥下朝講海人來莫便將經卷炎方去不廻

送知金

集作全

禪師南遊

劉得仁

師譽振京城談空萬乘聽北行山已雪南去木猶青夜嶽
禪銷月秋潭汲動星廻期不可定孤鶴在高冥

送智玄首座歸蜀中舊山

前人

像教得重興因師說大乘從來悟明主今去證高僧蜀國
煙霞異靈山水月澄鄉閭諸善友喜似一作似喜見南能

送僧歸王泉寺

前人

聖泉歸故里集作寺便老是心期亂木孤蟬後寒山絕鳥啼

若尋流水去轉出白雲遲見詔吼千峯路溪深復頂危

寄樓子山雲棲上人

前人

一室鑿崖鬼危梯疊蘚苔永無塵事到時有至人來澗谷
冬深靜煙嵐日午開脩心知得地京寺未言廻

冬夜寄白閣僧

營營不自亭集作相息睽潤隔年情林下期難遂人間事旋生

鳥棲寒木迥月映積冰清石室焚香坐懸知笑爲名

和范校書贈造微上人

前人

得性見微公何曾執着空脩心將佛並吐論與儒通曉漱
松杉下宵禪雪月中他生有緣會君子亦應同

寄無可上人

前人

省學爲詩日宵吟每達晨十年期是夢一事未成身枉別
山中客殊非世上人今來已如此須得桂榮新

晚步曲江因謁慈恩寺恭上人 前人

豈曰趨名者年年待命通坐今青嶂上興起白雲中岸浸
如天水林含似雨風南宗猶有碍西寺問恭公

送侶上人北遊集作侶上人入秦 朱慶餘

獨去何人見林塘共寂寥生緣聞磬早覺路出塵遙江雪

沾新草秦園發故條心知禪定處石室對一作芭蕉

送僧還太原謁李司空 前人

已共隣房別應無更住心中時過野店後夜宿寒林寺去
人煙遠城連塞雪深禪餘得新句堪對上公吟

送僧遊廬山 前人

客行皆有未集作爲師去是閑遊野望携金策禪棲倚石樓

山深松翠冷潭靜菊花秋幾處題青壁架淡澌瀑流

送靈應禪師 周賀

寒天仍遠去離寺雪霏霏古跡曾重到生緣不暫歸坐禪

山店迥補衲夜煙微巡禮何時住相逢的是稀 前人

送僧歸靈夏

南遊多老疾一作病見說講經稀塞寺幾僧在邊城空自歸

帶河衰草斷映月早沙飛却到禪齋後邊軍識衲衣

送僧還南嶽 前人

辭僧下水棚因夢嶽鍾聲徑集作遠路獨歸寺幾時重到城

風高寒木落雨絕夜堂清自說深居後隣州亦不行

寄林禪師

前人

絕頂無禪侶長懷落髮師齋居門掩雪講徹樹生枝沙井
泉澄疾秋鍾韻盡遲里中還受請又爽赤城期

贈如空上人移居太雲寺向中

集作齋齋

前人

竹溪人請住何日向中峯瓦舍山情少齋心病色濃臘高
移坐次菊淺露行蹤來往一作湓城下三年兩度逢

絕粒僧

前人

一齋難過日况復更休糧養力時行道聞鍾不上堂唯留
煨藥火不寫化銀一作方舊有山厨在從僧請作房

贈幻法師

前人

北京一別後吳越幾聽砧住久白髮一作出講長枯葉深
集作黃香連隣舍像聲徹遠巢禽寂默聞高道集作寂默
葉深何人是集作此心識

四明蘭若贈寂禪師

前人

叢木開風徑過從白晝寒舍深原草合茶疾竹枝乾夕雨
生眠興禪心少話端頻來各無事盡日坐相看

送忍禪師歸廬嶽

前人

浪匝湓城嶽壁青白頭僧去掃一作禪扃龕燈夜雪補殘
衲山日上軒看舊經瀑在下氷寒溜澁薜蘿逢雨曙煙腥
已知身事非吾道甘卧荒齋竹滿庭

文苑英華卷第二百二十三

文苑英華卷第二百二十三

詩七十首

釋門五六十

溫廷筠九首

方干十首

李洞七首

張祐七首

許渾四首

雍陶二首

李商隱四首

姚鵠一首

項斯四首

趙嘏五首

馬戴六首

顧非熊三首

李頻五首

贈楚雲上人

溫廷筠

松根蒲苔石盡日閉禪關有伴年年月無家處處山煙波

五湖遠瓶履一身閑岳寺蕙蘭晚幾時幽鳥還

贈越僧岳雲集作二首

前人

蘭亭舊都講今日意如何有樹開深院無塵到淺莎僧居
隨處好人事出門多不及新春鳥集作年年鏡水波

二

世機銷已盡巾履亦飄然一室故山月滿餅秋澗泉禪庵
過微雪鄉寺隔寒煙應共白蓮客相期松桂前

宿白蓋峰寺寄僧

前人

山房霜氣晴一宿遂平生閣上日九林影月中聞澗聲佛燈
銷未夜僧磬徹寒更不學柯居士工焚香為官情

渚宮晚春寄咸秦上人

前人

風華已渺然獨立思江天鳧鴈野一塘水牛羊春草煙秦原
晚重疊灞浪夜潺湲今日思歸客愁容滿鏡前

送僧東遊

前人

師歸舊山去此別已悽然燈影秋江寺蓬聲夜雨船鷗飛
吳市外麟卧晉陵前若到東林社誰人更問禪

盤石寺留別成公

前人

榭葉蕭蕭帶帶風寺前歸客別支公三秋岸雪花初白一
夜林霜葉盡紅山疊楚天雲壓塞浪遙吳苑水連空悠然
旅榜頻迴首無復松窓半偈同

寄清源寺一作僧

石路無塵竹逕開昔年曾伴戴顓來窓間半偈聞鐘後松

下殘碁送客迴簾

或作簾

向玉峯藏

一作籠

夜雪砌因藍

或作瓦

水長秋苔白蓮社

或作會

裏如相問為說

或作說與

遊人是姓雷

此詩二百六十一卷重出今已削去注異同為一作

訪知玄上人遇暴經因有贈

前人

縹帙無塵蒲畫廊終山弟子靜焚香惠能未肯傳心法張

湛徒勞與眼方風颺檀煙銷篆印日移松影過禪牀客鬼

自有翻經處江上秋來蕙草荒

送鏡空上人遊江南

方干

去住如雲鶴飄然不可留何山逢後夏一食在孤舟細雨

蓮塘晚踈蟬橘岸秋應懷舊溪月夜過石窓流

贈雪竇峯禪師

前人

飛流

集作泉

濺禪石瓶履每

集作注亦

生苔海上山不淺天邊人

自來度年隨檜栢獨夜任風雷獵者聞踈磬知師入定迴

贈瑪瑙禪師歸京

集作贈瑪瑙山禪者

前人

蒲

集作芴

草不停獸因師山更靈村林朝乞食風雨夜開扃

井味煎松粉雲根着藻餅塵勞如醉夢到此暫能醒

寄石湓清越上人

前人

寺處唯高僻雲生石枕前靜吟應

集作因

得句獨夜不妨禪

窓接停猿樹品飛浴鶴泉相思有書札俱倩獵人傳

贈詩僧懷觀

集作靜

前人

多生餘習在時復却微吟坐夏莓苔匝

集作合

行禪檜栢深

入山成白首學道是初心心地不移變徒勞

集作云

寒暑侵

贈鏡公

前人

幽獨迢遙夜夜清神更開高風吹越國集作樹細露濕湖山

月皎微吟後鍾明不寐間如教累簪組此興定集作豈相關

贈乾素上人

前人

苦用貞心傳弟子即應低眼看公卿水中明月無踪跡風

裏浮雲可計程庭際孤松隨鶴立窓間清磬學禪鳴料師

多劫長如此豈筭前生與後生

贈式上人

前人

縱居顰角喧闐處亦共雲溪邃僻同萬慮全離方寸內一

生多一作多在五言中芟荷葉上難留集作停兩松桂集作檜

枝間自有風莫笑旅人終日醉吾將大醉與禪通

思桐廬舊居便送鑿上人

前人

莫道東南路不賒思歸一步是天涯林中夜半雙臺月光嚴

鈞臺渚有東西臺洲上春深九里花桐廬有九里洲綠樹遶村含細雨寒

潮背郭卷平沙聞師却到鄉中去為我殷勤謝酒家

送僧歸日本

前人

四極雖云共二儀晦明前後即難知西方尚在星辰下東

域已過寅卯時大海浪中分國界扶桑樹底是天涯滿帆

若有歸風便到岸猶須隔歲期

送僧遊安南

李洞

春往海南邊秋聞半路蟬鯨吹洗鉢水犀觸點燈船島嶼

分諸國星河共一天長安却回日松偃舊房前

聽白公話舊

前人

險倚石屏風秋濤夢越中前朝吟會破故國講流終北地
聞巴狢南山看積鴻樓高驚雨濶木落覺城空兔滿期姚
監蟬稀別塞公淨瓶光照客柱杖朽生蟲平地塔千尺半
天燈一籠祝堯譚幾句旋馮海濤東

喜鸞公自蜀歸

前人

禁院閉生臺尋師到綠槐寺高猿看講鍾動鳥知齋拂石
月盈筵瀟泉花滿篩歸來逢聖節吟步上堯堦

寄翠微無學禪師

前人

遠近衆心歸禪居占翠微展經後識字聽法虎知非泉注
城池夢霞生侍衛衣玄機不可學何以一作摠無機

題贈遠上人

前人

海岳一作島南無邊去來都偶然
齒網花宮井鴻鳴一作斯雨夜天棄書歸舊寺應載附鍾船

寄淮海慧澤上人

前人

海濤浪滿舊征衣長憶初程宿翠微竹裏橋鳴知馬過塔
中燈露見鴻飛眉毫別後應盈尺出木歸來已幾圍他日
願歸容一榻煎茶掃地習忘機集作學歸來已幾圍集作

已數

叙舊遊寄棲白

前人

老着重袍坐石房竺經休讀白眉長省衝鼇沒投江島曾
看魚飛倚海樞曉灸凍孟原日氣夜挑蓮碗禁燈光吟詩

五嶺尋無可倏忽如今四十霜

贈仲儀集作上人

張祐

星霜幾朝寺香火靜中集作居人黃葉不驚意青山無事身

拋生臺上月結座履中塵自說一乘果集作詩課別來時更新

以下十首並見集本

高閑上人

前人

座上辭安國禪房戀沃州道心黃葉集作藥老詩思碧雲秋

卷軸朝廷餞書函內庫收陶欣入社叟生怯論經倚日色

屏初揭風聲筆未休長波溢海岸溢集作浮大點出嵩丘不絕

義之法難窮智集作禪知不流殷勤一牋在留著看銀鈞

贈慧昌上人

前人

巖開一室香穗細集作氣氲石上漱秋水月中行夏雲

律持僧講疏經集作誦梵書文好是風廊下飄飄挂褐裙

寄靈徹上人

前人

老僧何處寺秋去夢遶江濱獨樹月中鶴孤舟雲外人榮華

長指幻病久不自一作觀身應笑無成者滄洲垂一綸

此詩二百六十二卷重出今已削去

題集作寄靈隱寺師一上人十韻 前人

八十空門子深山土木骸片衣閑自衲單食老長齋道性

終能遣人情少不乖櫟柯居上院薜荔俯層階洗鉢前臨

水窺門外有集作掩柴朗吟揮竹拂高揖曳芒鞋迸笋斜穿

塢飛泉下噴崖種花忻土潤撥石慮沙埋舊往師招隱初

臨集作

我詠懷何當緣

集作聊當因

興翫更為表新牌

贈志凝上人

前人

悟色身無染觀空事不生道心長日笑覺路幾年行片月
山房靜孤雲海棹輕願為塵外契一就智珠明

毀浮圖年逢東林寺僧

前人

可惜東林寺空門一作閑失所依翻經謝靈運畫壁陸探微
隙地泉聲在荒途馬跡稀殷勤話僧輩未敢保儒衣

早發中巖寺別契真上人

許渾

蒼蒼松桂陰殘月半西岑素壁寒燈暗紅爐夜火深厨開
山鼠散鍾盡嶺猿吟行役方如此逢師懶話心

和友人送僧歸桂州靈巖寺

前人

楚客送僧歸故鄉海門帆勢落瀟湘碧雲千里暮愁合白

雪一聲春思長滿院草花平講石遶龕藤葉蓋禪牀憐師

不得隨師去已戴儒冠事素王

許渾集有詩二首其一題作和浙西劉三復送僧南歸其一作和友人送僧歸桂州靈巖寺今文苑英華既誤以送僧南歸為歸靈巖寺又兩詩前四句同後四句異今注于下楚客送僧歸掛陽海門帆勢極瀟湘碧雲千里暮愁合白雪一聲春思長柳絮擁堤添柳軟松花浮水注瀧香南宗長老幾年別聞道半崑多影堂

送元晝上人歸蘇州並寄張厚 前人

三年無事客吳鄉南宅春深集作南陌春園碧草長共醉八門廻

畫舸還尋集作獨還三徑掩書堂前山雨過池塘蒲小院秋歸

枕簟涼經歲別離心盡苦何堪紅葉集作黃葉下清漳

文苑英華

泊蒜山津聞東林寺光儀上人物故 前人

雲齋曾宿借方袍因說浮生大夢勞言下是非齊虎尾宿
來榮辱比鴻毛孤舟千棹水猶濶寒殿一燈夜更高明日
東林有誰在不堪秋磬拂煙濤

贈宗靜上人

雍陶

世上方傳教山中未得歸閑花飄講席馴鵠汗禪衣積雨
誰過寺殘鍾自掩扉寒來垂頂帽白髮剃應稀

憶山寄僧

前人

塵路誰知踏雪蹤到來空認出雲峯天晴遠見月中樹風
便細聽煙際鍾閣一作慢世數思僧並院憶山長羨鶴歸松
新愁舊恨都難說半在眉間半在曾

送臻師二首

李商隱

昔去靈山非佛席今來滄海欲求珠楞伽頂上清涼地善
眼仙人憶我無

二

苦海迷途去未因東遊過此幾微塵何當百憶蓮花上一
一蓮花見佛身

送僧歸新羅

姚鵠

森森萬餘里扁舟發落暉滄溟何歲別白首此時歸寒暑
途中變人煙嶺外稀驚天巨鼇起集作潤蔽日大鵬飛雪入
行沙履雲生坐石衣漢風深習得休恨一作去恨本心違

寄石橋僧

項斯

文苑英華

金

逢師入山日道住石橋邊別後無人見秋來幾處禪溪中
雲隔寺夜半雪添泉生有天台約應無却一作再出緣

日東一作本僧

前人

雲水絕歸路來時風送船已無身後念猶坐病中禪深壁
藏燈影空窻出艾煙要人知是客白日指生緣

送僧

前人

靈山巡未遍不作住持心逢寺暫投宿是山皆獨尋有時
過靜界在處想空林從小即行脚出家來至今

送僧遊南岳

前人

心知衡岳路不怕去人稀船裏猶鳴磬溪頭自曝衣有家
從小別是寺却言歸料得逢寒任當船雪滿扉

贈天卿

一作鄉

寺神亮上人

師不下寺已五年

趙嘏

五看春盡此江濱花自零風日自曛空有慈悲隨物念已
無蹤跡在人群迎秋日色簷前見入夜鍾聲竹外聞笑指
白蓮心自得世間煩惱是浮雲

此篇二百三十八卷重出今已削去

題崇聖寺簡雲端僧錄

前人

暮塵飄盡客愁長來扣禪關月滿廊宋玉逢秋空雪涕淨
名無地可容床高雲覆檻千巖樹疎磬含風一夜霜迴首
故園紅葉外只將多病告醫王

尋僧

前人

溪戶無人百

一作谷

鳥飛石橋橫木挂禪衣看雲日暮倚松

立野水亂鳴僧未歸

越中寺居寄上主人

前人

野寺初客訪靜來晚晴江上見樓臺中林有路到花盡一日無人一作愁看竹迴自曬詩書經雨後別留門戶為僧開苦心若是酬恩事不敢吟春憶酒盃

此篇二百三十八首重出今已削去

送僧歸廬山

前人

禪棲忽憶五峰遊去着方袍謝列侯花啓樓臺千葉曙錫含風雨一枝秋題詩片石侵雲在洗鉢泉香覆菊流却憶前年別師處馬嘶殘月虎溪頭

送僧歸金山寺

馬戴

金陵江色裏蟬急向秋分迴寺橫洲島歸僧渡水雲夕

依岸盡清磬隔潮聞遙想禪林下鑪香帶月焚集作對月焚

寄終南真空禪師

前人

閑想白雲外了然清淨僧松門山半寺雨夜佛前燈此境可長往浮生自不能一從林下別瀑布幾成冰

齋後寄白閣僧

前人

蒼翠霾高雪西峰鳥外看夕披山衲壞孤坐石床寒盥手水泉滴燃燈夜燒殘終朝老雲嶠煮藥伴中食

贈禪僧

前人

弟子人天遍童年在沃州開禪山木長浣衲海沙秋振錫搖汀月持瓶接瀑流赤城何日上鄙願從師遊

贈別空公

前人

雲外秋却入微徑久無人後夜中峯月空林百杓身寂寥
寒磬盡盥漱瀑泉新履跡誰相見松風掃石塵

集姚殿中宅期無可不至

見二百十七首

前人

送僧歸洞庭

顧非熊

江山萬萬重歸去指何峰未入連雲寺先齋越浪鍾島香
迴棧栢一作橘秋蔭出庵松若救吾人病須降震澤龍

贈覺真上人

前人

長安車馬地此院閉松聲新罷九天講舊曾諸岳行能詩
因作偈好客豈關名約我中秋夜共來看月明

寄太白無能禪師

前人

太白山中寺師居最上方獵人偷佛火櫟鼠戲禪床定又
衣塵積行稀徑草長有誰來問法林抄過殘陽

冬夜山中尋僧

李頴

夜山深雪後月下獨尋師若得長閑日應無暫別時葉寒
凋欲盡泉凍落微遲即此天明去重來又未期

贈立規上人

前人

竹向空齋合無僧在四隣去雲離坐石斜月到禪身樹老
風終夜山寒雪見春不知諸祖後傳印自何人

送元遂上人

前人

白衣遊帝鄉已得事空王却返湖山寺高禪水月房雨中
過岳一作月黑秋後宿船涼迴顧秦人語他僧宿上方

文苑英華卷一百一十五

二

牛

送清江上人歸東林

前人

風濤幾千里歸路半乘舟此地難相別何人更共留坐經
嵩頂夏行值洛陽秋到寺安禪夕江雲過石樓

送僧之天台

前人

一錫隨緣起天台又去登長亭舊別路落日獨行僧夜
山何處秋帆浪幾層他時受巾拂莫說老無能

文苑英華卷第二百二十三

文苑英華卷第二百三十四

詩七十四

釋門六

六十
九首

薛能十一首

陳陶三首

羅鄴三首

司空圖二首

鄭谷七首

楊夔一首

周朴三首

杜荀鶴七首

張喬九首

張蠙六首

曹松九首

羅隱三首

王真白一首

裴說四首

冬日送僧歸吳中舊居

薛能

去掃東林下閑時未遍經望山低鑿牖容月廣開庭舊日

雲千里生涯水一瓶還應覓新句看雪倚禪局

送禪僧

前人

寒空孤鴈度落日一僧歸近寺路聞梵出郊風蒲衣步搖
瓶浪起孟憂磬聲微還坐棲禪所荒山月照扉

秋晚送無可上人

前人

半夜覺松雨照書燈悄然河聲纔浙瀝舊葉近濕浚坐滴
寒更盡吟驚宿鶴遷相思不可見朝短復愁牽

贈禪者

前人

門前雖有徑絕向世間行雜草因逢藥移花更得鶯其貧
元是道苦學不為名莫恠蒼鬚晚無機在此情

贈禪者

一作師

前人

夢想青山寺前年住此中夜堂吹竹雨春地落花風舊句

僧一作師

曾見清齋我亦同浮生蹇莫問辛苦未成功

此詩二百六十四卷重出今已削去注異同為一作

贈源寂禪師

鉗鉢鎮隨腰怡然處寂寥師禪從北祖僧格似南朝性近
徒相許緣多愧未銷何傳能法慧此岸要津橋

贈禪師

前人

嗜欲本無性此生長在禪九州空有路一室獨多年鳴磬
微塵落移瓶濕地圓相尋偶同宿星月坐忘眠

夏日青龍寺尋僧二首

前人

帝里欲何待人間無闕遺不能安舊隱都屬擾明時違理

須齊辱雄圖豈藉知縱橫悉已悞斯語是吾師

二

得官殊未喜失計是忘愁不是無心速焉能有自由涼風
盈夏扇蜀茗半邢甌笑向權門客應難見道流

寄題巨源禪師

前人

風雨禪窓外應殘木槿花何年別鄉土一衲代袈裟日氣
侵併暖雷聲動枕斜還當掃樓影天晚自煎茶

雲花寺寓居贈海岸上人

前人

暫寄空門未是歸上方林疑獨着儒衣天師不語應相問

頻惹街塵一作香入寺飛

題贈高閑上人

陳陶

薔花間客軒轅席上珍筆江秋菡萏僧國瑞麒麟內

初招隱曹溪得後塵龍蛇驚粉署花雨對金輪白馬方依

漢朱星又入秦劇談凌鑿齒清論倒波旬拂石先天古降

龍舊國春殊還合浦老先疑去玉州貧鴛鴦輸黃絹塲壇

遶白蘋鼎湖閑入夢金閣靜通神海氣成方丈山泉落淨

巾彌猴深愛月鷗鳥不猜人拂岳蕭蕭竹垂空澹澹津漢

姝難覓對荆璞本來真伊傳多聯壁劉雷競買隣江邊有

國寶時為劇疑星辰

酬元亨上人

前人

一衲淨居雲夢合秋來詩思祝融高何因知我津涯濶遠

寄東溟六巨鰲

寄元孚道人

前人

梵宇

一作楚寺

章句客佩蘭三十年長乘碧雲馬時策

一作借

翰

林鞭曩事五岳遊金衣曳祥煙高攀桐君手左倚鸞鷲肩
哭玉秋雨中摘星春風前橫斬截洪偃憑几見廣宣爾來
寤華胥石壁孤雲眠龍降始得偈龜老方巢蓮內殿無文
僧騶虞誰能牽因之問楚水弔屈幾潺湲

冬日廟中書事呈棲白上人

羅鄴

日高荒廟掩雙扉杉逕無人鳥雀悲昨日江湖

一作湖

起歸

思蒲窓風雨覺來時何堪身計長如此閑盡爐灰却自疑
賴有碧雲吟句客禪餘相訪說新詩

秋日留別義初上人

前人

寒寺窮秋別遠師西峰一鴈倍傷悲每嗟塵世長多事重
到禪齋是幾時霜嶺自添紅葉恨月溪休和碧雲詞關河
迴首便千里飛錫南歸詎可知

贈僧

繁華舉世皆如夢今古何人肯暫閑唯有東林學禪客白
頭閑坐對青山

上陌梯寺懷舊僧二首

司空圖

雲根禪客居皆說舊無廬松日明金像山風

一作峇龕

嚮木魚

依棲應不阻名利本來踈縱有人相問林間懶拆書

二

高鴉隔谷見路轉寺西門塔影蔭泉脉山苗侵曉痕鍾踈

含香靄閣一作迥亘黃昏更待他僧到長如前信存

寄懷元秀上人

悠悠干祿利草草廢漁樵身世堪惆悵風騷頓集作寂寥

高秋期步野積雨放趨朝得句如相憶莎齊且見招

以下七篇並見集本

次韻和秀上人遊南五臺 前人

中峯曾到處題記沒蒼苔振錫傳深谷翻經想舊臺危松

臨砌偃驚鹿驀溪來內殿御集作詩切師以文章應制身迴心未

迴

贈圓昉公 前人

天階讓紫衣冷格鶴猶卑道勝嫌名出身閑覺老遲曉集

香延宿火寒碧度高枝每說長松寺他年與我期居長松山

贈信美寺岑上人 前人

巡禮諸方遍湘南頻有緣焚香老山寺乞食向江船紗碧

籠名畫燈寒照淨禪我來能求日蓮漏滴寒泉集作皆前

寄贈詩僧秀公 前人

靈一心傳清塞心可公吟後礎公吟近來雅道相親少唯

仰吾師所得深好句未停無暇日舊山歸老有東林冷曹

孤官甘寥落多謝携筇數訪尋

重陽日訪元秀上人 前人

紅葉黃花秋景寬醉吟朝夕在樊川却嫌今日登山俗共

與集作高僧對榻眠別畫長懷吳寺壁宜茶偏賞雪溪泉

歸來童稚爭相笑何事無人與酒船

贈日東鑒禪師

前人

故國無心度

集作渡

海潮老禪方丈倚中條夜深兩絕松堂

靜一點飛

集作山

螢照寂寥

此詩二百六十四卷重出今已削去注異同為一作

送日東僧遊天台

楊夔

一瓶離日外行指赤城中去自重雲下來從積水東攀蘿

躋石徑挂錫憇松風迴首鷄林道唯應夢想通

登福州南澗寺

周朴

萬里重山遶福州南橫一道見溪流天邊飛鳥東西沒塵

裏行人早晚休曉日春山當大海連雲古塹對高樓那堪

斷他鄉目

一作外又作客

只此華朋條白白頭

贈雙峯山和尚

前人

峩峩雙髻山瀑布瀉雲間塵世自礙水禪門長去關荻神

松不異藏寶石俱閑向此師清業如何方可攀

贈無了禪師

前人

不學世所惜是何無了公靈

一作雲

匡虛院外虎跡亂山中

晝夜必連去古今爭敢同禪情豈堪問問答更無窮

送僧

杜荀鶴

道了亦未了言閑今且閑從來無住處此去向何山片石

樹陰下斜陽潭影問請師留別偈

集作偈別

恐不到人寰

以下七篇並見集本

和劉評事送海一禪師歸山 前人

內集作外元無象言尋那路尋問禪將底說傳印得何心

未了羣山淺能集作休一室深伏魔寧是獸巢頂亦飛禽

觀色風驅霧聽聲雪灑林况當幽隱處集作凡歸是歸處未必在

高岑集作不必指高岑

送紫陽僧歸廬岳舊寺 前人

紫衣明主贈歸寺感先師受業恩難報開堂影不知松風

欵枕夜山雪上樓時此際無人會微吟復歛眉

秋詩僧雲英院因贈 前人

賈島憐無可都緣數句詩君雖是後輩我謂過當時溪浪

和星動松蔭帶鶴移因集作吟到明坐此道澹誰知

贈老僧 前人

衆僧尊夏臘靈岳遍曾登渡水手中杖行山溪畔藤心空

默是印眉白雪為稜自得巡方道棲禪老一作未能

贈僧 前人

利門名路兩無憑百歲風前短焰燈只恐為僧僧一作不

了為僧心一作了總輸僧

此詩一百六十四卷今已重出削去注異同為一作

山寺老僧 前人

草靱無塵心地閑靜隨後鳥過寒暄眼昏齒落經看遍却

向僧中總不言

贈鏡亭清越上人 張喬

海畔與窮邊歸來二十年久閑時得句漸老不離禪砌木
歌臨水窓蓬一作峯直倚天猶期白雲裏別掃石牀眠

贈仰山禪師

前人

仰山因久住天下仰山名井邑身雖到林泉性本清野雲
看處盡江月定時明髣髴曾相識今來隔幾生

贈初上人

前人

竹色覆禪棲幽禽遠院啼空門無去住行客自東西井氣
春來歇庭枝雪後低相看念山水盡日話曹溪

聞仰山禪師歸曹溪因贈

前人

曹溪松下路猿鳥重相親四海求玄理千峰遶定身異苑
天上墮靈草雪中春自惜經行處焚香禮舊真

贈碁僧侶

前人

機謀時未有多向奕碁銷已與山僧敵無令海客饒靜驅
雲陳起一作出踈點鴈行遙夜雨如相憶松窓更見招

送龍羅僧

前人

東來此學禪多病念佛緣把錫離巖寺收經上海船落一作
捲帆敲石火宿島汲瓶泉未向扶桑老知無再少年

送僧雅覺歸東海

前人

山川心地內一念即千重老別關中寺秋歸海外峯鳥行
未有路帆影去無蹤幾夜波濤息先聞本國鍾

送僧鸞歸蜀寧親

前人

歌詩精外學夫子是知音坐夏宮鍾近寧親劔閣深高名

文苑英華 卷二十四
徹西國舊寄積東林自此棲禪者因師滿蜀吟

贈頭陀僧

前人

自說年深別石橋遍遊靈跡熟南朝已知世路皆虛幻不
覺空門是寂寥滄海附船浮浪久碧山尋塔上雲遙如今
竹院藏衰老一點寒燈弟子燒

贈棲白太師

張蠙

剃髮得時名僧應別應星偶題皆有詔閑論便成經掃葉
寒燒鼎融冰曉注瓶長因內齋出多客叩禪扃

贈聞一上人

前人

見面雖年少聞名似白頭玄談窮釋旨清思掩詩流果一作
巢落痕生砌松高影上樓壇場在三殿應召入焚脩

贈可倫上人

前人

師教本於空流來不自東脩從多劫後行出衆人中衲冷
湖山雨幡輕海甸風游吳累百又講還與虎溪同

寄法乾寺令諲太師

前人

師居中禁寺外請已無緣望幸唯脩偈承恩不亂禪院多
宣藥種集作種藥池有化生蓮何日龍宮裏相尋借法船

寄太白禪師

前人

何年萬仞頂獨有坐禪僧客上應無路人傳或見燈齋厨

一作孟唯有橡講石任生藤遙想東林社如師誰復能

送南海贈遊蜀

前人

真脩絕故鄉一衲度暄涼此世能先覺他生豈再忘定中

船過海臘後路沿湘野迴鴉隨笠山深虎背囊瀑流垂石
室蘿蔓盖銅梁却後何年會西方有上房

雲居長老

王貞白

巘路躡雲上來參出世僧松高半巖雪竹覆一溪水不說
有為法非傳無盡燈了然方寸內應祇見南能

寄洪正師

羅隱

寄蹇渾成跡經年帶疑杜南價輕猶有二足剛已過三鷄
肋曹公忿猪肝仲叔慙會應謀避地依約近禪庵

寄無相禪師

前人

老住西峯第幾層為師迴首憶南能有緣有相集作想應非
佛無我無人始是僧爛椹集作作袍名復利鑠經集作金為講愛

兼憎何如一衲塵埃外日日香煙夜夜燈

送詈光太師

師以草書應制

前人

禹祠分首戴灣逢健筆尋知達九重聖主賜衣憐絕藝侍
臣摘藻許高蹤寧親久別街西寺待詔初離海上峰一種
苦心師得了不須迴首笑龍鍾

慈恩寺貽楚霄上人

曹松

在秦生楚思波浪接禪關塔礙高秋鳥窻藏白日山樹陰
移草上岸色透林集作庭問樓集作人內談經徹空携講疏還

關山寄詩贈清越

前人

不醉秦中酒溟心祇似師望山吟過日伴鶴立多時溝遠
流聲細林寒綠色遲庵西羅月夕重得話空期

薦福寺贈棲白太師

前人

才子紫檀衣明君寵顧時講昇高坐懶書答重臣遲瓶勢
傾圓頂刀聲落碎髭還聞穿內去隨駕進新詩

青龍寺贈雲顛法師

前人

紫檀衣且香春殿日尤長此地開新講何山鎖舊房僧名
喧北闕禪印續南方莫惜青蓮喻秦人聽未忘

貽住山僧

前人

罷講巡巖塢無窮得野情臘高猶伴鹿夏滿不歸城雲朶
緣崖發峰陰截水清自然雙洗耳唯任白毫生

送德光禪師

前人

天涯緣事了又造石霜微不以千峯險唯將獨影歸有爲

嫌假佛無境是真機到後滄沙錫何時更有飛

送乞雨禪臨遇南遊

活得枯樵耕者知巡方又欲向天涯珠穿閩國菩提子杖
把靈峯柳栗枝春蘚任封降虎石夜雷從傍養龍池生緣
在地南浮去自此孤雲不可期

廣州貽匡緒法師

前人

口宣微密不思議不是除貪即誠癡祇待外方緣了日爭
看內殿詔來時週迴海樹侵階疾迢遞江湖應井遲必竟
懶過高坐寺未能全讓法雲師

江南逢僧省文

前人

高僧不負雪峯期却伴青霞入翠微七葉巖前霜欲降九

松枝上鶴初歸風生碧澗魚龍躍威震金樓燕雀飛想得
白蓮花上月蒲山猶帶舊光輝

不出院僧

裴說

四遠參尋徧脩行却不行耳邊無俗語門外是前生塔見
移來影鍾聞過去聲一齋唯默坐應笑我營營

湖外寄處賓上人

前人

恠得意相親高携一軸新能搜大雅句不似小乘人嶽麓
擎枯檜瀟湘吐白蘋他年遇同道爲我話風塵

寄貫休

前人

憶昔與吾師山中靜一作精論時總無方是法難得始爲詩
凍犬眠乾葉饑禽啄病黎他年白蓮一作云社猶許重相期

寄僧尚顏

前人

曾居五老峯所得共誰同四才大天全與吟精楚欲空客來
庭減日鳥過竹生風早一作搖輕拂集作金錫重歸瀑布中

文苑英華卷第二百二十四

文苑英華卷第二百二十四

文苑英華卷第二百二十五

詩七十五

道門一

遊仙三十七首

神仙二首

懷仙五首

夢仙二首

謫仙一首

仙谷遇毛女一首

桃源三首

秦越人洞中詠一首

下元齋詠一首

歌詞五首

遊仙

梁武帝 見初學記

水華究靈奧陽精測神秘具聞上仙訣留丹未肯餌潛名
遊柱史隱迹居即位委曲鳳臺日分明栢寢事蕭史暫徘徊
徊待我升龍轡

文苑英華卷第二百二十五

片

四

真經知那是仙骨定何為許邁心長切稽康命似竒桑踈
金闕迥峇重石梁危照水燃犀角遊山費虎皮鴨桃聞已
種龍竹未經騎為向天仙道棲遑君詎知

同前

歲蕤三株樹杳靄仙源路日規半隱霞山窓未斂霧泛琴
且秋寂吹簫看鳳度披雲振輕衣踏葉羅幽步前溪鬼谷
隱後嶺王喬住翡翠映碧流桂花凝清露眇然歸天理道
遙任真趣寄謝桑榆客榮耀非所務

同前

劉緩

稅駕倚扶桑逍遙望九州二老佐軒轅稱戈戮蚩尤功成

棄之去乘龍上丹丘一作天上見玉皇壽與天地休俯視

崑崙宮五城十二樓王母何窈眇玉質清且柔揚袂折瓊

芳寄我天東頭相思千萬歲太運浩浩悠悠安用知吾道日

月不能周寄音書鳥翼謝爾碧海流

同前

賈島

借得孤鶴騎高近金鳥飛掬河洗古貌照月生嫩輝天中
鶴路直天盡鶴一息歸來不騎鶴身自有兩翼若人無仙
骨芝朮徒煩食

同前

我家

集作駕言

風綻

集作風憾

仙子

集作神仙

王貞白

我家三島上洞戶眺

一作枕

波濤醉背雲屏卧誰知海日高

露香紅玉樹風綻碧蟠桃悔與仙子別思歸夢釣鰲

大遊仙十三首

曹唐

漢武帝將侯西王母下降

崑崙凝想最高峰
王母來乘五色龍
歌聽紫鸞猶縹緲
語來青鳥許從容
風迴水落三清月
漏苦霜傳五夜鍾
樹影悠悠花悄悄
若聞蕭管是行蹤

漢武帝於宮中宴西王母

鼇岫雲低太一壇
武白玉齋潔不勝懽
長生碧字期親署
延壽丹泉許細看
劔佩右白聲宮樹
靜星河無影禁花寒
秋風裊裊月朗朗
玉女清歌一夜闌

劉晨阮肇遊天台

樹入天台石路新
細雨云和雨動無塵
烟霞不是生前事
水

不空疑夢後

一作裏

身往一往雞鳴岩
下月時時犬吠洞中春

不知何地歸衣處
湏訪桃源問主人

劉阮洞中偶

一作

仙子

賞

天和樹色靄蒼蒼
霞垂玉嵐深路渺茫
雲實蒲山無鳥雀
水聲沿澗有笙篴
碧沙洞裏乾坤別
紅樹枝前日月長
願得花間有人出
不令仙犬吠劉郎

仙子送劉阮出洞

殷勤相送出天台
仙境那能却再來
雲液每歸湏強飲
玉書無事莫頻開
花當洞口應長在
水到人間定不迴
惆悵溪頭從此別
碧山明月照蒼苔

仙子洞中有懷劉郎

不將清瑟理霓裳塵夢那知鶴夢長洞裏有天春寂寂人
間無路月茫茫玉沙瑤草連溪碧流水桃花蒲澗香曉露
風燈零落盡此生無處訪劉郎

劉阮再到天台不復見仙子

再到天台訪玉真青苔白石已成塵笙歌冥冥閉深洞雲
鶴蕭條絕舊隣草樹總非前度色烟霞不似昔年春桃花
流水依然一作然在不在當時勸酒人

織女懷牛郎

北斗佳人双淚流眼穿腸斷爲牽牛封題錦字凝新恨拋
擲金梭結舊愁杜杜樹三天雲漠漠銀河一帶水悠悠欲將
心就仙郎說借問榆花早晚秋

玉女杜蘭香下嫁於張碩

天上人間兩渺茫不知誰嫁杜蘭香來經玉樹三山遠去
隔銀河一水長怨入清塵愁錦思酒傾玄露醉瑤觴遺情
更說何珍重擘破雲鬟金鳳凰

王遠宴麻姑蔡經宅

好風吹樹杏花香花下真人道姓王大篆龍蛇隨筆札小
天星斗滿衣裳閑拋南極歸期晚笑指東溟飲興長要喚
麻姑同一醉使人沽酒向一作餘杭

萼綠華將歸九嶷留別許真人

九點秋煙黛色空綠華歸思頗無窮每悲馭鶴身難任疑
長恨臨霞語未終河影暗吹雲夢月花聲閑落洞庭風

藍絲重勒金條脫留與人間許侍中

穆王宴王母於九光流霞館

桑葉扶疎閉日華穆王邀命宴流霞霓旌著地雲初駐金
奏掀天月欲斜歌咽細風吹粉蕊飲餘一作清露濕礎砂
不知白馬紅韁解偷弊東田碧玉花

紫河張休真

琪樹扶疎壓瑞煙玉皇朝客蒲花前山川到處成三月絲
竹經時即萬年樹石冥茫初縮地盃盤狼籍未朝天東風
小飲人皆醉從聽黃龍枕一作水眠

小遊仙十三首

曹唐

偷來洞口等劉君緩步輕堪一作綠繡裙旋擘桃花擲流水更
無言語倚彤雲

二

風動閑一作天清桂陰水精簾箔冷沉沉西妃少女春思

亂斜倚彤雲盡日吟

三

方士飛軒住碧霞酒寒風冷月初斜不知誰唱歸春曲洛
盡溪頭白葛花

四

玉簫金瑟發商聲桑葉乾枯海水清靜掃蓬萊山下路畧
邀王母話長生

紫雲停步彩雲飛共看真皇海上歸千載桃花香破鼻玉盤盛出與金妃

五

白石山中自有天竹花藤葉蒲溪煙朝來洞裏圍碁了賭得青龍直幾錢

六

酒灑春濃瑤草齊真公飲散醉如泥玉輪軋軋入雲去行到半天聞馬嘶

七

南斗爛珊北斗稀茅君夜著紫霞衣獨乘青鹿趁朝去鳳歌隨後飛

八

饑即食霞悶即行一聲長嘯萬山青穿花渡水能相訪珍重多才阮步兵

九

東妃閑著紫霞裙自領笙歌出五雲清思密談誰第一不過邀取小茅君

十

朝迴相引看紅泉不覺風吹鬢鶴偏好見上清騎白鶴旋

驅旌一作旄節旋昇天

十一

十二

紅草青林日半斜
閑隨小鳳出彤霞
略尋舊路過西國
因得水園一顆瓜

十三

風蒲塗山玉葉稀
赤龍閑卧鷓鴣閑
飛紫梨爛盡無人喫
何事蘇君去不歸

神仙

崔仲方

崑丘本難陟
軒臺不易朝
還往麟洲上
時聽鳳凰簫
霞觀文犀簞
香林石玉條
且學燒丹甌
何假一作摘仙桃

同前

顏之推

紅顏恃容色
青春矜盛年
自言曉書劍
不得學神仙
風雲落時後
歲月度人前
鏡中不相識
捫心徒自憐
願得金樓

宴酌膏泉崢嶸下
無地列缺上
陵天舉世聊
一息中州安足旋

懷仙并序

王勃

客有自幽山來者
起予以林壑之事
而烟霞在焉
思解纓紱未詠
山林神與道超跡
為形滯故書其事焉

鶴岑有奇徑
麟洲富仙家
紫泉漱珠液
玄巖列丹葩
常稀集作披塵網
眇然登雲車
鸞情極霄漢
鳳想疲煙霞
道存集作

蓬瀛近意
愜朝市
賒無為坐
惆悵虛此江上華

觀內懷仙

玉架殘書隱金壇
舊跡集作迷牽花
尋紫洞
步葉下清溪

瓊漿猶類乳石髓尚如泥自能成羽翼何必俟雲梯

懷仙引

雜言

盧照隣

若有人兮山之曲駕青虬兮乘白鹿往從之遊願心足披
礪戶訪巖軒石瀨潺湲橫石徑松蘿羃塵掩松門下空濛
而無鳥上峻巖而有後懷飛閣度飛梁休余馬於幽谷掛
余冠於夕陽曲復曲兮煙莊邃行復行兮天路長脩途杳
其未半飛雨忽以茫茫山塊軋嶮一作卷連蹇攀石壁而無
據沂泥溪而不前何無情之白日竊有恨於皇天 廻行
遵故道通川遍流潦廻首望群峯白雲正溶溶珠爲闕兮
玉爲樓青雲蓋兮紫霜裘天長地久時相憶千齡萬代
來遊

懷仙吟二首

陳陶

丹陵五牙

一作霞

客昨日羅浮歸赤斧尋不得煙霞空滿衣

試於華陽問果遇三茅知採藥向十洲同行牧羊兒十洲

隔八海浩渺不可期空留雙白鶴巢在長松枝

二

雲溪古流水春晚桃花香憶與我師別片帆歸滄浪滄浪
在何許相思淚如雨黃鶴不復來雲深離別處石渠泉冷
冷三見菖蒲生日夜勞夢竟隨波注東溟空懷別時惠長
讀消魔經

忽夢遊仙

王勃

僕本江上客牽跡在方內寐寤霄漢間居然有靈對翕爾

登霞首依然躡雲背霓策驅龍光烟道儼鸞態乘月披金
帔連星解瓊珮浮識俄易歸真遊邈難并寥廓沉遐想周
遑奉遺誨流俗非我鄉何當釋塵昧

夢仙

人有夢仙者夢身昇上清坐乘一白鶴前引雙紅旌羽衣
忽飄飄玉佩俄錚錚半空一直下視人世塵冥冥漸失鄉國
處纔分山水形東海一片白列嶽五點青湏臾群仙來相
引朝玉京安期羨門輩列侍如公卿仰謁玉皇帝稽首前
致誠帝言與仙才努力勿自輕却後十五年期汝不死庭
再拜受斯言既寤喜且驚秘之不敢泄誓志居巖扃恩愛
舍骨肉飲食斷羶腥朝冷雲母散夜吸沆瀣精空山三十

載日望輜輶迎前期過口

又鸞鶴無來聲齒髮日夜衰

白耳目減聰明一朝同物

物化身與糞壤并神仙信有之俗

力非可營苟無金骨相不列丹臺名徒傳辟穀法虛受燒
丹經祗自取勤苦百年終不成悲哉夢仙人一夢誤一生

謫仙詞

冠蓋後管
作冠劍

陳陶

牧龍丈人病歌

高

作

秋

童擊節星漢愁瑤堂鳳輦不勝

恨太古一聲龍白頭玉氣不蘭光久摧折上清雞犬音書絕
蜺旌失手遠於天三島穴一雲對秋月人間磊磊浮漚客鸞
鷺蜻蜒飛自隔不應冠蓋逐黃埃長夢真君舊恩澤

仙谷遇毛女意知是秦宮人

常建

溪口水石淺冷冷明藥叢入溪雙峯峻松栝數

一作
栝幽風

垂嶺竹娟娟翳泉花濛濛黃綠霽人日路盡心彌通盤石
橫陽崖前臨殊未窮廻潭清雲影瀾漫長天空水邊一神
人千歲爲玉童羽毛經漢代珠翠迹秦宮目覩神已寓鶴
飛言未終祈君青雲秘願謁黃仙翁嘗已耕玉田龍鳴西
頂中金梯與天接幾日來相逢

同結中孚夢桃源

盧綸

夜靜春夢長夢逐仙山客林園蒲芝木雞犬傍籬柵幾處
花下人看余笑頭白

桃源行

劉禹錫

漁舟何招招浮在武陵水拖綸擲餌信流去誤入桃源行
數里清源尋盡花綿綿踏花覓逕至洞前洞門蒼黑烟霧

生暗行數步逢虛明俗人毛骨驚仙子爭來致詞何至此
湏臾皆破冰雪顏笑言委曲問世間因嗟隱身來種玉不
知人世如風燭筵羞石髓勸客食燈藝松脂留客宿鷄聲
犬聲遙相聞曉光葱籠開五雲漁人振衣起出戶蒲庭無
路花紛紛翻然恐失集作迷鄉縣處一息不肯集作覺桃源住
桃花蒲溪水似鏡塵心如垢洗不去山家一出尋無蹤至
今流水集作水流山重重

尋桃源

張喬

武陵春草齊花影隔澄溪路遠無人去山空有鳥啼水垂
青靄斷松偃綠蘿低世上迷途客經茲盡不迷

秦越人洞中詠

于鵠

扁鵲得仙處傳是西南峯年年山下人長見騎白龍洞門
黑無底日夜唯雷風清齊將入時戴花兼抱松石逕陰且
寒地響知遠鍾似行山林外聞桑集作屐一作屐聲重低
礙更俯身漸遠晝夜同時時白蝙蝠飛入茅衣中行久路
轉窄靜聞水淙淙但願逢一人自得朝天宮

宿西山脩下元齋詠

幽人在何處松檜深冥冥西峯望紫雲知處安期生沐浴
溪水暖新衣禮仙名脫履入靜堂遶像隨禮行碧紗籠寒
燈長幡綴金鈴林下聽法人起坐枯葉聲啓奏脩律儀天
曙山鳥鳴分行布管茅列坐蒲中庭持齋候撞鍾玉盃散
寶經焚香開卷時照耀金室明投簡石洞深稱過上帝靈

學道能苦心自古無不成

少室山韋鍊師昇仙歌

皇甫冉

紅霞紫氣晝氛氲絳節青童迎少君忽從林下昇天去空
使時人禮白雲

上清詞

張繼

紫陽宮女捧丹砂王母令過漢帝家春風不肯停仙馭却
向蓬萊看杏花

仙女詞

楊衡

玉京初侍紫皇君金縷鴛鴦蒲絳裙仙宮一閉無消息遙
結芳心向碧雲

玉京詞

劉言史

絕景寥寥日更遲
人間甲子不同時
未知樵客終何得
歸後無家是看基

瑤水詞

集作懷仙

鮑溶

崑崙九層

集作閩絳綺閣

幾千丈瑤水四

集作西

流十二城心羨

集作

魯見周靈王太子碧桃花下學吹笙

文苑英華卷第二百二十五

文苑英華卷第二百二十六

詩七十六

道門二

宮觀六十四首

入道士觀

庾信

金華開八景玉洞上三危雲袍白鶴度風管鳳凰吹野衣

縫蕙葉山中簾

去聲

筓皮何必淮南館淹留攀桂枝

遊始興道館

陰鏗

見類聚

紫臺高不極青溪千仞餘壇邊逢藥銚洞裏閱仙書庭舞

經乘鶴池遊被擢

一作控

魚稍昏薤葉歛欲暝槿花踈徒教

斧柯爛會自不凌虛

和庾肩吾入道士館

周弘正

石橋看舊跡一作石橋有舊路 虛空一作靈石 儼衆仙菊潭溜餘水丹

竈起寒一作殘 煙桃花經作實海水屢成田送還一作逆愁 歸里

閑或作舊里 追問斧柯年

一作皆藝文類聚

秋日仙遊觀贈道士

王勃

石圖分帝宇銀牒洞靈宮迴丹縈岫室復翠上巖樞霧濃

金竈靜雲暗玉壇空野花常捧露山葉自吹風林泉明月

在詩酒故人集作水非 同待途逢石髓集作駕非 從爾命飛鴻

尋道觀

其觀即昌利觀而張天師居也

前人

芝屨光分野蓬闕盛規模碧壇清桂闕集作影 丹洞蕭松樞

玉笈三山記金箱五岳圖蒼虬不可得集作見 空望白雲衢

八仙逕

寺南又有昌利觀去寺數里巖逕窈窕杖而後進

前人

祭集作大 園欣八正松巖訪九仙援蘿規霧術攀桂俯雲煙

集作 岱北鸞駮至遼西鶴騎旋終稀脫塵網連翼下芝田

和輔先入昊天觀星瞻集作星占

楊炯

道甲爰皇里星瞻太一宮天門開奕奕佳氣鬱蒼蒼碧落

三乾外黃圖四海中邑居環若水城闕抵新豐王檻崑崙

側金樞地軸東上真朝北斗元始詠南風漢君祠五帝淮

王禮八公道書編一作載 竹簡靈藥灌梧桐草茂一作蔓 瓊階

綠花繁寶樹紅石樓紛似畫地境森如空桑海中應積桃

源路不窮黃軒若有問三月住崆峒集作往 桑海中集作年

和劉侍郎入隆唐觀

前人

福地陰陽合仙都日月開山川峻四嶮城樹隱三臺伏檻
排雲出飛軒遶澗迴參差陵倒景蕭洒軼浮埃百果珠爲
實群峰錦作苔懸蘿暗凝霧瀑布響成雷方士燒丹液真
人泛玉杯還如問桃水更似得蓬萊漢帝求仙口相如作
賦才自然金石奏何必上天台

遊廢觀

前人

青嶂倚丹田荒涼數百年猶知小山桂尚識大羅天藥敗
金爐火苔昏王女泉歲時無壁畫朝夕有階煙花柳三春
節江山四望懸悠然出塵網從此狎神仙

遊紫霞觀

駱賓王

碧落澄秋景玄門啓曙關人疑列禦至客似令威還羽蓋

從斯

集作徒欣

仰雲車未可攀

抵

應傾玉醴

集作時

許寄顏顏

遊靈公觀

前人

靈岑

集作峰

標勝地

集作境

神府

枕通川

玉殿斜連漢金堂廻

架煙斷風踈晚竹流水切危

集作寒

絃別有青門外空無

集作

懷玄圃仙

春日登金華觀

陳子昂

白玉仙臺古丹丘別望遙山川亂雲日樓榭入烟霄鶴舞
千年樹虹飛百尺橋還疑赤松子天路坐相招

縱山廟

此詩三百二十卷重出今已割去

宋之問

王子賓仙去飄飄笙鶴飛徒聞滄海變不見白雲歸天路
何其遠人間此會稀空歌白雲暮霜月漸微微

過太一觀賈生房

王維

昔余栖遁日之子煙霞鄰共携松葉酒俱簦竹皮巾攀林
遍巖洞採藥無盡春謬以道門子徵為駮御臣常恐冊液
就先我紫陽賓天促萬塗盡衰傷百慮新跡峻不容俗才
多反異真泣對雙泉水還山無主人

一柱觀

張說

舊說江陵觀初疑神化來空山結雲閣綺靡隨風廻柰何

任一作

一柱斯焉容衆材奇巧

集作

非長世今餘草露臺

同刑判官尋龍湍觀歸湖中

孫逖

星使下仙

集作

京雲湖喜晝晴更從探穴處還作棹歌行

絲管荷風入簾帷竹氣清莫愁歸路遠水月夜虛明

尋雍尊師隱居

李白

群峭碧磨天逍遙不記年撥雲尋古道倚樹聽流泉花暖

青牛卧松高白鶴眠語來江色暮獨自下寒煙

潯陽紫極宮感秋

前人

何處聞秋聲條條北窓竹廻薄萬古心攬之不盈掬靜坐
觀衆妙浩然媚幽獨白雲南山來就我簷下宿懶從唐生
訣羞訪季主卜四十九年非一往不可復野情轉蕭散世
道有翻覆陶令歸去來田家酒應熟

清明日宴梅道士房

孟浩然

林卧愁春盡開軒覽物華忽逢青鳥使邀我赤松家

一作

丹竈初開火仙桃正落花童顏若可駐何惜醉流霞

此詩二百十四卷重出今已削去

遊精思觀王白雲在後

前人

出谷未停午到家已夕曛集不作至家迴瞻下山路但見牛

羊群樵子暗相失草蟲寒不聞衡門猶未掩佇立待集作

夫君

宿天台桐栢觀

前人

海行信風帆夕宿逗雲島緬尋滄洲趣近愛赤城好捫蘿

亦踐苔輟掉恣窮集作討息陰憇桐栢采秀弄芝草鶴唳

清露垂鷄鳴信朝早願言解纓絡從此去煩惱高步凌四

明玄縱集作得三老紛吾遠遊意學此集作長生道日夕

望三山雲濤空浩浩

宿太平觀

蔡母潛見本

夕到玉京寢窅冥雲漢低蒐交仙室蝶曙聽羽人鷄滴瀝

花上露清冷松下溪明當訪真隱揮手入無倪

茅山洞口

前人

華陽仙洞口半嶺拂雲看窈窕穿苔壁集作差池對石壇

方隨地脉轉稍覺水精寒未果變金骨歸來茲路難

過方尊師院

前人

羽客北山尋草堂松逕深養神宗示集作法得道不知心

洞戶逢雙履寥天有一琴一作更登玄圃上仍種杏成林

武陵龍興觀黃道士房間易因題一作王昌齡

齋心問易太陽宮八卦真形一氣中仙老言餘鶴飛去玉

清墙上雨濛濛

尋常山南溪道人

一作隱居

劉長卿

一路經行處莓苔見履痕白雲

集作

依靜渚春草閉閑門

過雨看松色隨山到水源溪花與禪意相對亦忘言

洞陽山

已見一百五十九卷

前人

過包尊師山院

前人

賣藥曾相識吹簫此復聞杏花誰是主桂樹獨留君漱玉
臨丹井園基訪白雲道經今為寫不慮惜鵝群

自紫陽觀至華陽洞宿候尊師草堂簡同遊

李延陵

石林媚烟景句曲盤江甸南向佳氣濃峯峯遙隱見漸臨

華陽口微路入葱蒨七曜懸洞宮五雲抱山殿銀函竟誰

發金液徒堪薦千載桃花春

一作空

秦人深不見東溪喜

相遇貞白如會面青鳥來去閑紅霞朝夕變一從化真骨

萬里乘飛電蘿月延步虛松花醉閑宴幽人即長往茂宰

應交戰明發歸琴堂知君懶為縣

題玉真觀李秘書

韓翃

白雲斜日影深松玉宇瑤壇知幾重把酒題詩人散後華

陽洞裏有疎鍾

同題仙遊觀

前人 見集本

仙臺下見五城樓風物淒淒宿雨收山色遙連秦樹晚磻
聲近報漢宮秋疎松影落空壇淨細草香開 一作小洞幽

何用別尋方外去人間亦自有丹丘

宿洞靈觀

皇甫冉

孤煙洞靈觀積雪暮山寒松栢凌高殿莓苔封古壇客來
清夜久仙去白雲殘明日開金籙焚香又沐蘭

過李尊師院

集作過樓
觀李尊師

盧綸

城闕望烟霞常悲仙路賒寧知樵子逕得到葛洪家犬吠
松間月人行洞裏花留詩千載鶴送客五雲車訪集作世
傲
山空在觀碁日未斜不知塵俗士誰解種胡麻

尋賈尊師

前人

玉洞秦時客焚香映綠蘿新傳左慈訣曾與右軍鵝井舊
陰苔扁方書古字多成都今日雨應共酒相和

魏州逢侯劉同尋羅南觀因贈別時綸

前人

相見翻惆悵應憐責廢官過深慙祿在識淺賴刑寬獨失
耕桑業同思弟姪歡衰貧羞客過卑束會君難放鶴歸雲
壁澆花遶石壇輿還江海上跡在是非端林密風聲結山
高雨勢寒悠然此中別賓僕亦闌干一作
珊

題天華觀

前人

峰嶂徘徊霞影新一潭寒水絕纖鱗朱字靈書千萬卷集
作
軸蒼髯道士兩三人芝童解說壺中事玉管能留天上春
昨見仙丹求不得漢家簪紱集作
緩在羸身

和李中丞訓萬年房少府過汾州景雲觀因以寄

房與李早
年同居此

前人

顯晦澹無跡賢哉常晏如如何驚孤鶴忽乃傳雙魚叙以
泉石舊悵然風景餘低徊青油幕夢寐白雲居玉洞桂香
滿雪壇松影踈沉思驕仙侶紆組正軍書積學早成道感
恩難遂初梅生諒有感歸止豈無廬

題葉道士山房

顧况

水邊垂柳赤欄橋洞裏仙人碧玉簫近得麻姑書信否潯
陽向上不通潮

題玉真觀公主山池院

司空曙

香殿留遺影春朝玉戶開羽衣重素機

集作几

朱網儼塵埃

集作輕埃

石自蓬山得泉經太液來柳絲遮綠浪花粉落青苔

鏡掩鸞空在霞銷風不迴

一作來

惟餘古桃一作古壇樹傳是上

仙栽

同蕭鍊師宿太一廟

李益

微月空山曙春初

集作祠

謁少君落花壇上掃

集作佛

流水洞

中聞酒引芝童奠香餘桂女焚鶴飛將羽節遙向赤城分

雲陽觀寄袁稠

李端

花洞滿沉沉

集作花洞晚陰陰

仙壇隔杏林漱泉春谷冷擣藥夜

窻深石上開仙酌

集作山酒

松間對玉琴戴家溪北住雪後去

相尋

武康郭外望許繡先生山居

崔洞

湖上千峰帶落暉白雲開處見紫扉松門一逕仍生草應

是仙人

一作先生

向郭稀

題茅山李尊師所居

嚴維

天師百歲少如童不到山中更不逢
洗藥每臨新瀑布步虛時遶最高峯
籬根五月留殘雪座石千年蔭古松
此去人寰知近遠迴看路隔一重重

經故賀賓客鏡湖道士觀

朱放

已得歸鄉里逍遙一外臣
那隨逝集作流水去不待鏡湖春

雪裏登山屐林間漉酒巾
空餘集作留道士觀誰是學仙人

宿王尊師居

于鵠

夜愛雲林好寒天月裏行
青牛眠樹影白犬吠猿聲
一磬

院靜千燈溪路明
從來此峯客幾個得長生

過凌霄斷天謁張先牛山祠

依品類改 前人

戰戰亂峰裏一峰獨凌天下看
知一作如尖高上有十里泉

至人愛幽深一住十五一作五十年
懸犢一作犢到其上乘牛耕

藥田衣食不下求乃是雲中仙
山僧獨知處相引衝碧烟

斷崖晝昏黑差泉橫雙一作雙
椽面壁攀石稜養力方敢前

累歇日已沒始到茅堂邊
見客不問誰禮質無周旋醉卧

枕歌樹坐寒展青氈折松掃藜牀
秋菓顏色鮮鍊蜜敲石

炭洗澡乘瀑泉白犬舐客衣
驚走聞腥羶乃知軒冕徒寧

比雲壑眠一作安石詩選

早凌霄第六峰入紫鷄谿禮白鶴觀 前人

路轉第六峰傳是十里程
放石試淺深硯壁蛇鳥驚欲下

先褰衣路低避枯莖迴途歇
歇岨整帶重冠纓及到紫石

溪掩掩天已明漸近神仙居桂花濕溟溟陰苔無人蹤是
得白鶴翎忽然見朱樓象牌題王京沉沉五雲影香風散
縈縈清齋列上堂窓戶懸水晶青童搗金屑白杵聲丁丁
腥羶遙問誰稽首稱姓名若容在溪口願乞殘雲英

同張明府遊仙臺

朱灣

松檜陰陰一逕微中峯石室到人稀仙官不住青山在古
老相傳白日飛華表問看何歲木片雲留看去時衣今朝
懋疑作茂宰尋真宰暫駐雙鳧且莫歸

宿天柱觀

僧靈一

石室初投宿仙翁喜暫容花源隔水見洞府過山逢泉湧
塔前地雲生戶外峯中霄自入正不是欲降龍

經仙人渚即沈山下古人八沈羲白日昇仙處

僧皎然

日月人間短何時此得仙古山春已盡遺渚事空傳不見
騰雲駕徒臨一作間洗藥泉如今成逝水翻使恨流年

仙女臺得仙字

前人

寂寞一作寂舊桑一作朱田誰家一作何時女得仙應無雞犬在空
有子孫傳古木花猶發荒臺月尚懸一作荒臺路未還片雲低不

散一作暮疑是却一作欲歸年

題應聖觀

王建集見本

精思堂上畫三身廻作仙宮度美人賜藥御書金字貴行
香天樂羽衣新空廊兩滴花飄絳小殿蟲緣玉像塵頭白

女冠猶說得枯株不似已前春

題東華觀

前人

路盡烟光外院門題上清鶴雛靈解集作語瓊葉軟無聲

白髮道心熟黃衣仙骨輕還歸對憂樂何處覓長生

和楊三舍人晚秋與崔二舍人張秘監苗考功同

遊昊天觀時中書寓直不得陪隨因追往年曾與

舊僚聯遊此觀記題在壁已有淪亡書事感懷輟

以呈寄燕呈東省三給事之作楊君見徵鄙詞因

以繼和

武元衡

崑圃高秋會金閨奉詔辰朱輪天上客白石洞中人珮響

泉聲雜朝衣羽服親九重青瑱秘三秀紫芝新化藥秦方

士偷桃漢侍臣玉笙王子駕遼鶴令威身歎逝頽波遠緘

詞麗曲春重將悽恨意苔壁問遺塵一作因

題玄和師仙藥室

楊衡

山邊蕭寂室石掩浮雲扃遶室微有路松烟深冥冥入松

汲寒水對鶴問仙經石几香未盡水花風欲零何年去華

表幾度窮蒼溟却顧宦遊子眇如霜中螢

遊陸先生故巖居

前人

獨壑臨萬嶂蒼苔絕行跡仰窺猿桂樹一作松俯對鶴巢石

上有一巖屋相傳靈人宅深林無陽暉幽水轉鮮碧拾薪

遇遺鼎探空得古籍結念俠雲興燒香坐終夕

宿青牛谷梁鍊師仙居

前人

隨雲步入青牛谷青牛道士留我宿可憐夜久月明中惟
有壇邊一枝竹

經東都安國觀九公子舊院作 劉禹錫

仙院御溝東今來事不同門開青草日樓閉綠楊風將犬
昇天路披霓赴月宮武皇曾駐蹕親問主人翁

元和十年自朗州承詔至京戲贈看花諸君子

前人

紫陌紅塵拂面來無人不道看花廻玄都觀裏桃千樹盡
是劉郎別集作去後栽

再遊玄都觀絕句 前人

百畝庭中半是苔桃花爭盡菜花開種桃道士歸何處前

慶劉郎今獨來

善養臺下作集作山上 前人

先生見堯心相與公集作去九有斯民既已治我得安山一作

林藪道爲自然貴名是無窮壽瑤壇在此山識者常廻首

玉真觀 張籍

臺殿曾爲貴主家春風吹盡竹窻紗院中仙女脩香火不
許閑人入看花

不食仙姑山房 前人

寂寂桂花裏草堂唯素琴因仙曾改姓見客不言心月出
溪路靜鶴鳴雲樹深丹砂如可學便欲住幽林

西上經靈寶觀觀即尹真人舊宅 孟郊

道士無白髮語音靈泉清青松多壽色白石恒夜明放步
霽霞起振衣華風生真文秘中頂寶氣浮四楹一片古關
路萬里今人行上仙不可見孤集作策徒西征

文苑英華卷第二百二十六

詩七十七

文苑英華卷第二百二十七

道門三

宮觀三十三首

送僧道人二十六首

宮觀

早冬遊至王屋自靈都抵陽臺上方望天壇偶成
一章寄温谷周尊師中書李相公 白居易

霜降山水清王屋十月時石泉碧深深

集作

巖樹紅離離

朝爲靈都遊暮有陽臺期飄然塵世外鸞鶴如可追忽念
公程盡復慙身力衰天壇在天半欲上心遲遲常聞此遊
者隱客與楨之各包貴仙骨俱非泥垢姿二人相顧言彼
此稱男兒若不爲松喬即湏作臯夔今果如其語公彩雙

歲狴一人佩金印一人翳玉芝我來高其事詠嘆偶成詩
爲君題石上欲使故山知

宿簡寂觀

前人

巖白雲尚屯林紅葉初隕秋光引閑步不知行遠近夕投
靈洞宿卧覺塵機泯名利心旣忘市朝夢亦盡暫來尚如
此况乃終身隱何以療夜飢一匙雲母粉

華陽觀桃花時招李六拾遺飲

前人

華陽觀裏仙桃發把酒看花心自知爭忍開時不同醉明
朝後日即空枝

此詩三百二十一卷重出今已削去

宿張雲舉院

前人

胡麻飯杯中自得仙隔房集作離招好客可室致芳筵

集作家醞香醪嫩時新異果鮮豈集作夜深唯畏曉坐穩不

思眠碁罷嫌無敵詩成愧在前明朝題壁上誰得衆人傳

題上皇觀

章孝標

五雲集作烟霞深盖七星壇想像先朝駐禁鑿輦路已平栽藥

地皇風猶在步虛寒樓臺瑞氣晴蕭索杉檜龍身老屈蟠

感惠休言并李郭劔門空處望長安

題魚尊師院

賈島

老子堂前花萬樹先生曾見幾迴春夜熊白石平明喫不
擬教人哭此身

過陽道士居

前人

先生脩道處茅屋遠囂氛叩齒坐明月楮願望白雲精神
含藥色衣服帶霞紋每語瀛州路多年別少君

古觀

朱慶餘

仙觀曾過知不遠花藏石室香難尋泉邊白鹿聞人語看

過仙壇漸入深一作林

玉芝觀章道士房

周賀

四面杉松合空堂畫老仙嘉根停雲水曲角積茶煙道至
心機盡宵清琴韻全獨嫌來又去不得坐經年

題終南麻先生寂禪師石室

劉得仁

同居石室貧五十二迴春擁褐冥集作忘心客窮經暮齒人

翠沉空水定雨絕片雲新危集作草細秋集作峯徑相隨到頂頻

題吳先生山居

前人

先生此幽隱便可謝人群潭底見秋石樹間飛片雲山居
心已慣俗事耳憎聞念我自多疾開爐藥許分

題上皇觀

薛逢

狂寇窮兵犯帝畿上皇曾此振戎衣門前衛士傳清警砌
下奚官掃翠微雲駐壽宮三洞啓日迴仙仗六龍歸當時
丹鳳啣書處老栢蒼蒼已合圍

題春臺觀

前人

殿前松栢晦蒼蒼杏遶仙壇水遶廊垂露額題精思一作專
院博山爐裏降真香苔侵古碣迷陳事雲到中峰失上方
便擬尋溪弄花去洞天誰更待劉郎

重遊蘇州玉芝觀

許渾

高梧一葉下秋初迢迢重來寄舊居月過碧窓今夜酒雨

淋集作昏紅壁舊年書玉池露冷芙蓉淺金井烟分集作樹鳳高

薜荔踈從此扁舟集作日陽帆更東去仙翁應笑憶集作爲鱸魚

早出洞仙觀

趙嘏

露濃如水灑蒼苔洞口烟蘿密不開殘月色低當戶後曉

鍾聲迥隔山來春生藥圃芝猶短夜醮齋壇鶴未迴愁是

獨尋歸路去人間步步是塵埃

宿玉屋天壇

馬戴

星斗半沉蒼翠色紅霞遠照海濤分折松曉拂天壇雪投

簡寒窺玉洞雲絕頂醮迴人不見深林磬度鳥應聞未知

與傳金籙獨向仙祠拜老君

謁仙觀二首

前人

我生求羽化齋沐造山集作居葛蔓汲丹井石函盛集作

道書寒松多偃側靈洞遍清虛一就泉栖嶺集作雲中採

藥蔬

二

山空蕙氣香乳管折雲房碩值壺中客親傳肘後方三更

禮星斗寸匕服丹霜默坐樹陰下仙經橫石牀

宿陽臺觀

前人

玉洞仙何在爐香客獨分集作醮壇園古木石磬嚮寒雲

曙月孤霞映懸流峭壁分心知世上集作人世隔坐與鶴爲群

集作
成

題龍瑞觀兼呈徐尊師

方干

或雨或雲常不特定地靈雲雨自無世人莫識神方宇仙
鳥偏棲藥樹枝深壑度年如晦暝陰溪入夏有凌澌此中
唯是集作師知我未得尋師即夢師

叙龍瑞觀勝具寄于尊師

前人

混元融結致功難山下平湖湖上山萬頃涵虛寒漱灑千
尋聳翠秀爛斑集作芰荷香入琴棊處雷雨聲離棟牖問
但有五雲衣鶴嶺曾無陸路向人寰夜溪漱玉常堪聽仙
樹垂珠可要攀若棄榮名便居此自然集作清濁不相關

尋師前年三十從
評事奪官入道

題天柱觀魚尊師舊院

前人

早識吾師頻到此芝童藥犬亦相迎師今一去無來日花
洞石壇空月明

真觀

李群玉

高情帝女慕乘鸞紺髮初簪玉葉冠公主玉葉冠時秋月

無雲生碧落素渠寒露出清蘭層城烟霧將歸遠浮世塵

埃久駐集作難一日集作蕭聲飛去後洞深空探集作洞

碧瑤壇

餘姚集作縣龍泉觀

張祐

四明集作山一面臺殿倚嵯峨中路見江集作遠上方行

石多山集作晴花氣漫地暖鳥聲集作和徒漱葛仙井此

生真奈何

華山李鍊師所居

皮日休

麻一作花

姑古貌上仙才謫向蓮峯管玉臺瑞氣染衣金液

啓香烟映面紫文開孤雲盡日方離洞雙鶴移時只有苔

深夜寂寥存想歇月天時下草堂來

終南白鶴觀

鄭谷

步步景通真門前衆水分樅蘿洞口

集作諸洞

合鍾磬上清聞

古木千尋雪寒山萬丈雲終期掃壇級來事

集作伴

紫陽君

題終南山白鶴觀

帝城

文玄集作帝鄉

張喬

上徹鍊丹峯求玄意未窮古壇青草合往事白雲空仙境

日月外帝城烟霧中間足煩暑欲去戀松風

書梅福殿壁二首

前人

梅真從羽化萬古是湏臾此地名空在西山雲亦孤井痕

平野水壇級上春蕪縱有雙飛鶴年多松已枯

二

一自白雲去千秋壇月明我來思往事誰更得長生雅韻

磬鍾遠真風樓殿清今來爲尉者天下有仙名

題古觀

前人

急景遽衰老此經誰養真松留千載鶴碑隔六朝人洞水

流花草壺天閉雪春其如爲名利歸踏五陵塵

王霸壇

周朴

王君上昇處信首古居前皂樹即湏朽白龜亦應全雲間

猶一日塵裏已千年碧色壇如黛時人誰可仙

聖真觀劉真師院十韻

羅隱

簾下嚴君卦窓間少室峰攝生門已盡混跡世猶逢山藪

師王烈簪纓友戴顓魚跳介象二字見三國吳書十八卷註鱸飯吐葛

玄峰紫飽垂新椹黃輕墮小松塵埃金谷路樓閣上陽鍾

野鶴鳶肩寄仙書鳥爪封支牀龜縱老取箭鶴何慵別久

曾牽念閉來肯壓重尚餘青竹在一作誰試為剪為來成龍

亂後經表兄瓊華觀舊居

唐彥謙

一去仙居似轉蓬再經花謝倚春叢醉中篇什金聲在別

後音書錦字空長憶映碑逢若十一未曾携杖逐壺公東風

狼籍苔侵徑蕙草香銷杏帶紅

送僧人道士

荅句曲陶先生

梁范雲

終朝吐祥霧薄晚孕竒烟洞澗生芝草重崖出醴泉中有

懷真士被褐守中玄石戶棲十秘金壇謁九仙乘鶴方履

一作辰漢轡鶴且騰天

贈學仙者

採藥層城遠尋師海路賒玉壺橫日月金闕斷烟霞仙人

何處在道士未還家誰知彭澤意更覓一作道步兵家一作那

春醲煎松葉秋盃浸菊花相逢寧可醉定不學丹砂

山居晚眺贈王道士

王郭

金壇踈俗宇玉洞侶仙群花枝棲晚露集作霧峯葉度晴雲

斜集作日移山影迴沙擁籬集作文琴樽方待興竹樹已
迎暝落

贈李榮道士有亭不錄

盧照隣

錦節銜天使瓊仙駕羽君投金翠山曲莫壁清江濱圓洞
開丹鼎方壇聚絳雲寶貺幽難識空歌迥易分風搖十州
影日亂九江文敷誠歸上帝詔應在明君獨有南冠客耿
耿泣離群遙看八會所直氣曉氛氲

秋日餞陸道士陳文林得風

駱賓王

青牛遊華岳赤馬走吳宮玉柱離鴻怨金壘浮蟻空日霽
嶠陵雨塵起洛陽風唯當玄度月千里與君同

遊青都觀尋沈道士得仙

劉孝孫

紛吾因暇豫行樂極一作留連尋真謁紫府披霧覩青天

緬懷金闕外遐想玉京前飛軒俯松竹抗殿接雲烟焜焜
清夏景嘒嘒早秋蟬橫琴對危石酌醴臨寒泉聊祛塵俗
累寧希龜鶴年無勞生翼羽自可狎神仙

同前得清

許敬宗

幽人蹈箕穎方士訪蓬瀛豈若逢真氣齊契體無名既詮
衆妙理聊暢遠遊情縱心馳貝闕怡神想玉京或命餘杭
酒時聽洛濱笙風衢通閶苑集作星使下層城蕙帳晨飈
動芝房夕露清方叶棲遲趣於此遂鍾聲

同前得都

凌敬

聊排青鎖闥徐步入清都青溪冥寂士思玄徇道樞十芒

芝一作生藥笥七焰發丹爐縹袞桐君錄朱書王母符宮槐

散綠穗日莖落青柎矯翰雷門鶴飛來葉懸鳧凌空自可

御安事迫中區方追羽化侶從此得玄珠

同前得暢字 趙中虛

清溪阻千仞姑射藐汾陽未若遊茲境探玄衆妙塲鶴來

疑羽客雲沉似蛻裳一作翺寓目雖靈宇遊神乃帝鄉道存

真理得心灰俗累忘煙霞凝抗殿松桂肅長廊早蟬清暮

響崇蘭散晚芳即此翔寥廓非復控榆枋

和梁王衆傳張光祿是王子晉後身 崔融

聞有冲天客披雲下帝畿三千上賓去千載忽來歸昔偶

浮丘伯今同丁令威中郎才貌是柱一作藏史姓名非祗召

趨龍闕承恩到虎闈丹成金鼎獻酒至玉杯揮天仗分旌

節朝容間羽衣舊壇宮處所新廟坐光輝漢主存仙要淮

南愛道機朝朝緱氏鶴長向洛城一飛

玄化一作元觀尋李先生不遇 魏知古見初學記

羽客今何在空傳伊洛間忽聞歸舊縣復想入函關未作

千年別猶應七日還神仙不可見寂寞返蓬山

同工部李侍郎送司馬白雲歸天台 沈佺期

紫薇降天仙丹地投雲藻上言華頂事中間長生道華頂

居最高大壑朝陽早長生術何妙童顏後天老清晨朝鳳

京夜靜思鳴寶憑崖飲蕙氣過澗摘靈草人非冢已荒海

變田應燥昔嘗遊比郡三霜弄溟島緒言霞上開機事塵

外掃須來拋世務清曠未云保崎嶇待漏恩怵惕司言造
軒皇重齋拜漢武愛祈禱順風懷崆峒承露在豐鎬冷然
委輕馭復得快幽抱關下留伯陽儲間登四皓昔有參同
訣何時一探討

寄天台司馬先生

崔湜

聞有三元客祈山九轉成人間白雲返天上赤龍迎尚惜
金芝晚仍攀琪樹榮何年緱嶺上一謝洛陽城

寄天台司馬道士

宋之問

卧來生白髮覽鏡忽集作已成絲集作逖媿飡霞子童顏且集作常
自持舊遊惜踈集作彌曠微尚日磷緇不寄西山藥何由東

海期

送田道士使蜀投龍

前人

風馭忽冷然雲臺路幾年蜀門峰勢斷巴字水形連人隔
壺中地龍遊洞裏天贈言廻馭日圖畫彼山川

送司馬道士遊天台

前人

羽客笙歌此地園離筵數處白雲飛蓬萊闕下長思憶桐
栢山頭去不歸

送楊道士往天台

張九齡

鬼谷還成道天台去學仙行應松子化留與世人傳此地
烟波遠何時羽駕旋當湏一把袂城郭共依然

祭南嶽事畢謁司馬道士

前人

將命祈靈嶽廻策詣真士絕迹尋一逕異香聞數里分庭

八桂樹肅客兩童子入室希把袖登牀願啓齒誘我棄智
訣迨茲長生理吸精反自然鍊藥求不死斯言眇霄漢顧
予嬰紛滓相去九牛毛慙歎知何已

集作何
知已

贈東嶽焦鍊師

王維

先生千載

集作
歲

餘五嶽遍曾居遙識齊侯昇新過王母廬

不能師孔墨何事問長沮玉管時來鳳銅盤即釣魚竦身

空裏語明月夜中書自有還丹

一作
砂

術時論太素初頻蒙

露版詔將降軟輪車山靜泉逾響松高枝轉踈搯願問樵
客世上復何如

贈焦道士

前人

海上遊三島淮南遇八公坐知千里外跳向一壺中縮地

翻珠闕行天使玉童飲人聊割酒送客乍分風天老能行
氣吾師不養空謝只留徒雀躍無可問鳴蒙

送張道士歸山

前人

先生何處士王屋訪茅君別婦留丹訣驅雞入白雲人間
數剩住天上復離群當作遼城鶴仙歌使爾聞

送王尊師歸蜀中拜掃

前人

大羅天上神仙客濯錦江頭花柳春不爲碧雞稱使者唯
令白鶴報鄉人

送方尊師歸嵩山

仙官欲住九龍潭旄節朱幡倚石龕山壓天中半天上洞
穿江底出江南瀑布杉松常帶雨夕陽彩

一作
蒼

翠忽成嵐

借問迎來雙白鶴已曾衡岳送蘇耽

寄天台道士

孟浩然

海上求仙客三山望幾時焚香宿華頂裊露採靈芝屢踐
莓苔滑將尋汗漫期儻因松子去長與世人辭

尋梅道士張山人

前人

彭一作澤先生柳山陰道士鴉我來從所好停策夏雲一作

漢陰多重以觀魚樂因之鼓枻歌崔徐跡未朽千載揖清波

越中逢天台太子

前人

仙宬逢羽人停艦向前拜問予涉風水何事遠行邁登陸

尋天台順流下吳會茲山夙所尚安得問集作靈恠上逼

青天高停臨滄海大雞鳴日出常與仙人會集作每與

一本常觀仙人瀑布作集作空界福庭長不死勝境集作舊稱最末願從

之遊何當濟所屈

之遊何當濟所屈

文苑英華卷第二百二十七

文苑英華卷第二百二十八

詩七十八

道門四

送僧道人六十四首

贈嵩山焦鍊師

李白

二室陵青天三花含紫烟中有蓬海客宛疑麻姑仙道在

喧莫染跡高想已遷一作時餐金鷲藥屢讀青苔

篇八極恣遊憇九垓長周旋下瓢酌潁水舞鶴來伊川還

歸空山上獨拂秋霞眠蘿月挂朝鏡松風鳴夜絃潛光隱

嵩嶽鍊魄栖雲幄霓衣何飄颻鳳吹轉綿邈願同西王母

下顧東方朔紫書儻可傳冥骨誓相學

此乃集本全篇文苑元本頗畧

訪戴天山道士不遇

犬吠水聲中桃花帶露濃樹深時見鹿溪午不聞鍾野竹
分青靄飛泉掛碧峯無人知所去愁倚兩三松

奉餞高尊師如貴道士傳道錄畢歸北海 前人

道隱不可見靈書藏洞天集作善師四萬劫歷世迥相傳

別杖靑竹行歌躡紫烟離心無遠近長在玉京懸

送李青歸集作南字華陽川 前人

伯陽仙家子容色如青春日月秘靈洞烟霞辭世人化心
養精魄隱几宵天真莫非千年別歸來城郭新

送內尋虛廬山女道士李騰空二首 前人

君尋騰空子應到碧山家水吞雲母碓風掃石楠花若戀

幽居好相邀玉开紫霞

二

多君相門女學道愛神仙素手握集作柳青靄羅衣曳紫烟
一往屏風疊乘鸞不着鞭

送女道士褚三清遊南嶽 前人

吳江女道士頭戴蓮花巾霓衣不濕雨特異陽臺神足下
遠遊履凌波生素塵尋仙向南嶽應見魏夫人

遇冲和先生 高適

冲和生何代或謂遊東溟三命謁金殿一言授集作拜銀青

自云多方術往往通精集作神靈萬乘親問道六宮無敢聽

昔者集作去限霄漢今來觀儀形頭戴雛鳳冠手搖白鶴翎

終日飲醇酒不醉復不醒集作憶雞鳴山每誦西昇經
撫背念別離依然出戶庭莫見今如此曾爲一客星

龍道士問易叅同契

王昌齡

仙人騎白鹿髮短耳何長時余采菖蒲忽見嵩之陽稽首
求丹經廼出懷中方披讀了不誤歸家問稽康嗟余無道
骨廢我入太行

謁焦鍊師

前人

中峰青苔壁一點雲生時豈意石堂裏得逢焦鍊師鑪香
淨一作金按松影閑瑤墀拜受長年藥翩翩西海期

送宣尊師醮畢還越

劉長卿

吹簫江上曉惆悵別茅君踏火能飛雪登山集作入白雲

晨香永日在夜磬滿山聞揮手桐溪路無情水亦分

寄許尊師

獨上雲梯入翠微集作烟雪映巖扉世人知在中峰

裏遙禮青山恨不歸

送暨道士還玉清觀

李頎

仙宮文粹有名籍度世吳江濱大道本無我青春長與君

中州俄已到至理得而聞明主降黃屋時人看白雲空山
何窈窕三秀日氛氲遂此留書客超遙烟駕分

寄焦鍊師

前人

得道凡百歲燒丹唯一身悠悠孤峰頂日見三花春白鶴
翠微裏黃精幽澗濱始無世上客一作出世不及山中人仙境

若有夢朝雲如可親何由覩顏色揮手謝風塵

謁張果先生

前人

先生谷神者甲子焉能計自說軒轅師于今數千歲寓遊
城郭裏浪跡希夷際應物雲無心逢時舟不繫霞飡斷火
粒野服蕪荷製白雲淨肌膚青松養身世韜精殊豹隱鍊
質同蟬蛻忽去不知誰偶來寧有契二儀齊壽考六合隨
休憇彭聃猶嬰孩松期且微細常問穆天子更憶漢皇帝
親屈萬乘尊將一作窮遊四海喬車徒徧草木錦帛招談說
八駿空往還三山轉虧蔽吾君感至德玄老欣來詣受錄
金殿開清齋玉堂閉笙歌迎拜首羽帳崇嚴衛禁柳垂香
爐宮花拂仙袂彌慶一作初寶祚廣致福蒼生惠何必待龍

成方取濟

宿贈廬山白鶴觀劉尊師

包佶

蒼蒼五老霧中壇杳杳三山洞裏官手護崑崙象牙簡心
推霹靂棗枝盤春飛雪粉如毫潤曉漱瓊膏冰齒寒漸恨
流年筋力少唯思露冕事星冠

送常司直西行

此公深
入道門

李嘉祐

不耻青袍故尤宜白髮新心朝玉皇帝貌似紫陽人湘浦
眠銷日桃源度醉春能文兼證道莊叟是前身

此詩二百二十八卷重出今已削去

送柳道士

錢起

去世能成道遊仙在

集作不

定家歸期千歲鶴行邁五雲車

海上春應盡壺中日未斜不知相憶處琪樹幾枝花

中書省言懷因酬嵩陽張道士見寄 前人

朝花尋暝林對酒傷春心流年依素髮不覺映華簪垂老

遇中已集作明代又作知己醉恩看寸陰如何紫芝客集作多慙紫陽客相

憶白雲深

酬崔侍御期籍道士不至兼見寄 皇甫冉

一心求妙道幾歲候真師丹竈歸何處集作在白雲無定期

崑崙烟景集作景致絕汗漫往還遲君但焚香坐人間到有時

送張道士歸茅山謁李尊師 前人

向山獨有一人行近洞應逢雙鶴迎常以素書傳弟子還

因白石號先生無窮杏樹何年種幾許芝田帶月耕師事

少君年歲久欲隨旄節往層城

送李道士 顧况

人境年虛擲仙源日未斜羨君乘竹杖辭我隱桃花鳥去

寧知路雲飛似憶家莫愁客鬢集作髮改自有紫河車

送葉尊師歸處州 耿緯

風馭南行遠長山與夜江羣祆離分野五嶽拜旌幢石髓

調金昇雲漿實玉釭祈祈犬聲曉洞府有仙龍

送王道士 盧綸

夢別一仙人霞衣滿鶴身旌幢天路曉桃杏海山春種玉

非求稔燒金不為貧自憐頭早白難與葛洪親

酬暢當嵩山尊道士見寄

聞逐樵夫閑看棋忽聞人世是秦時開雲種玉嫵山淺渡
海傳書恠鶴遲陰洞石幢微有字古壇松樹半無枝煩君
遠示青囊錄願得相從一問師

藍溪期蕭道士採藥不至

前人

春風生百藥幾處木苗香人遠花空發集作落溪深月復長
病多知藥性老近憶仙方青節何由見三山桂自芳

送道士却彞素歸內道場

前人

病老正相仍忽逢張道陵羽衣風淅淅仙境玉稜稜叱我
問中壽教人祈上昇樓居五雲裏幾與武皇登

寄金椒山中道士

韋應物

今朝郡齋冷忽念山中客澗底束荆薪歸來煮白石欲持
一瓢酒遠寄風雨夕落葉遍空山何處尋行跡

贈韓道士

戴叔倫

日暮秋風吹野花上清歸客意無涯桃源寂寂煙雲閉天
路悠悠星漢斜還似世人生白髮定知集作自仙骨變黃芽

東城南陌頻相見應是壺中一作天別有家

送李道士歸山

崔洞

秋城臨古路城上望君還曠野入寒草獨行隨遠山投入
鴻寶內將犬白雲間早晚燒丹罷遙知冰雪寒

謁李尊師

奚賈

萬物還常性唯道貴自然先生容其微隱几爲列仙鍊魄
閉瓊戶養毛飛洞天將知道遙久得道無歲年

送王鍊師赴玉屋洞

權德輿

稔歲在芝田歸程入洞天白雲亂上國青鳥會羣仙自以
棊銷日寧資藥駐年相看話離念集作風馭忽冷然

與道者同守庚申

前人

洞真善救世守夜著集作仙經俾我外持內當茲申配庚
齋心已恬愉澡身自澄明沉沉簾帷下靄靄燈燭清四支
動用息一室虛白生收視忘取捨叩齒集神靈伊予嗜欲
寡居常病恙輕三戶既伏竄九藏乃和平無令耳目勝則
使性命傾宵然深夜中若與元氣并釋宗稱定慧儒師著
誠明派分示三教理詣無二名吉祥能止止委順則生生
視履苟無咎天祐期永真應物知不勞虛中理自真豈資

金丹術即此駐顏齡

送吉州閻使君入道二首

戎昱

聞道桃源志塵心忽自悲余當從官日君是去一作棄官時
金水封仙骨靈津咽玉池受傳三錄備起坐五雲隨洞裏
花常發人間鬢易衰他年會相訪莫作爛柯棊

二

廬陵太守近隳官月帙初朝玉帝壇風過鬼神迎受籙夜
深龍虎衛燒丹水容入境織埃靜玉液添一作瓶漱齒寒
莫遣桃花迷客訪千山萬水訪君難

題服生栢道士

于鵠

服栢不飛鍊閑眠閉草堂有泉誰一作與漱番火為焚香

新雨閑門靜孤松滿院涼仍聞枕中術親授漢淮王

題王道者

一作贈隱者

前人

去尋常不在

集作長不出門一作多不見

門似絕人行牀下石苔滿屋頭

秋草生學琴寒日

集作寒月一作冬日

短寫易曉窓明唯到一作有黃

昏後溪中聞磬聲

此詩二百三十二卷重出今已削去注異同為一作

寄續尊師

前人

得道任髮白亦

一作每

逢城市遊新經天上取靈藥

集作洞稀

中收春木帶枯葉新蒲生漫

疑作慢

流年年望靈鶴長在此

山頭

終南褚尊師

集作南峯褚道士

前人

得道終南

集作南山

夕曾教四皓甘谷閉門醫病鶴倒篋養神龜

松際風長在泉中草不衰誰知茅屋裏有路通

集作向

峨嵋

入白芝溪尋黃尊師

前人

觸烟入溪口茫茫唯檉樅其中飛碧流十里不通屐出林

尚未明細逕懸峭壁把藤借竹勢光滑猿猱跡忽然風景

異乃到神仙宅天晴茅屋頭殘雲蒸氣白隔窓梳髮聲又

立聞吹憤抱槩出門來不是人間客山院不洒掃四時自

虛寂落葉埋長松出地纔滿

一作數

尺曾讀上

一作浦

清經去

住疑作注

長年籍願示不死方何山有瓊液

使院憶山中道侶兼李七副使約 崔備

松竹去名嶽衡茅思靜居山君水上印天女月中書舊帙

芸香在空奩藥氣餘褐衣寬易攬白髮少難梳病柳傷摧
折殘花惜掃除憶巢同仙鳥避網甚跳魚嵒阮慙交絕求
羊愧跡踈與君非宦侶何日共樵漁

訪羊尊師

孫革

花下問童子言師採藥去只在此山中雲深不知處

越中贈程先生

釋法震

紗帽度殘春虛舟寄一身谿邊逢越女花一作裏問秦人
古塞連山靜陰霞落海新有時城郭去贈與酒家親

題萬山許鍊師

前人

道成人不識流水嚮空山花暗軒窗外雲隨坐卧間
名已久絕粒事長閑更欲崑崙去羞看絳節還

七言贈張道士

僧皎然

玉京真子名太一因服日華心如日此心不許世人知
向仙宮未曾出

送褚道士

前人

聞說洞庭無上路春遊亂踏五雲芝含桃風擺花狼藉
正 是仙翁碁散時

遇谷口道士

司空曙

一見林中客閑知州縣勞白雲秋色遠蒼嶺夕陽高
自說 名因石誰逢手種桃丹經儻相授何用戀青袍

送張鍊師還峨嵋山

前人

太一天壇天柱西垂蘿爲挽石爲梯前登靈境青霄絕下

視人問白日低松籟集作韻萬聲和管磬丹光五色雜虹一作

雲蜺春山一入尋無路鳥響煙深集作深林水滿溪

送王尊師歸湖州 前人

烟蕪蒲洞青山遠幢節飄空紫鳳飛金闕乍看迎日麗玉
蕭遙聽隔花微多開石髓供調膳時御霓裳奉易衣莫學
遼東華表上千年始欲一廻歸

送王先生歸南山 前人

儒中年最老獨有濟南生愛子方傳業無官自偶耕竹通
山舍遠雲接玉集作雪田平願作門人去相隨隱姓名

尋紀道士偶會諸叟 李益

山陰逢集作尋道士映竹羽衣新符坐雙童子陪遊五老人

水花松下淨壇草雪中春見說桃源洞如今猶避秦

送吉道士拜官歸舊業 李端

聞有華陽客儒裳靄紫薇舊山連藥賣孤鶴帶雲歸柳市
名猶在桃源夢已稀還鄉見鷗鳥應愧背船飛

送馬尊師 前人

南入商山松路深石牀溪水晝陰陰雲中採藥隨旄節洞
裏耕田映綠林直上煙霞深舉手廻經丘壠自傷心武陵
花木應長在願與門人更一尋

贈太清宮道士 王建

上清道士未昇天南嶽中華作散仙書賣八分通字學丹
燒九轉定人年修行近日影如鶴導引多時骨似綿想向

諸山尋一作禮遍却迴還守老君前

贈詔徵王屋道士

前人

玉皇符到下天壇瑋瑁頭簪白角冠鶴遺院一作中童子

養鹿憑山下老人看道成不怕舟梯峻集作刀髓實常欺

石榻寒能斷人間集作腥血味長生只要一丸丹

贈廬山道士

楊衡

寂寥高室古松寒松下仙人字委鸞頭垂白髮朝鳴磬手

把青芝夜遶壇物像自隨塵外城真源長向性中看悠悠

萬古皆如此秋比松枝春比蘭

贈羅浮易鍊師

前人

海上多仙嶠靈人信長生榮衛水雪姿燕爵日月精默書

絳符遍晦步斗文成翠髮霞疑肩長金耳凌風輕曉籟

塵響天灘一作此幽聲碧樹來戶陰丹霞照窓明焚香扣

虛寂稽首迴太清鸞鷲振羽儀飛翻一作拂旆旌左挹玉

泉液右舉雲芝英念得參龍駕攀天度赤城

登紫霄峯贈黃仙師

前人

紫霄一作不可涉靈峰信穹崇下有瓊樹枝上有翠髮翁

雞鳴秋漢側日出紅霞中璨璨真仙子執旄為侍童焚香

杳忘言默念合一作太空世華徒熠耀虛室自朦朧雲氣

瓊瑤圃龜息芝蘭藜玉錄掩不開天窻微微風茲焉悟佳

旨塵境亦幽通浩淼臨廣津求用挹無窮

送天台道士

孟郊

天台山寂高動躡仙城霞何以靜其目掃山除妄花何以
潔其生掃泉去泥沙靈境物皆真萬物無一斜月中見心
近雲外將俗除遺身獨得身笑我牽名華

送無懷道士遊富春山水

前人

造化絕

一作最

高處富春獨多觀山濃翠的礫水折珠摧殘

溪鏡不隱髮樹衣常遇寒風猿虛空飛月沉叫嘯酸信

一作

即此神仙樂豈爲時俗安煖金陰陽火因恠星宿壇花發
或未識玉生忽叢攢蓬萊浮蕩漾非道相從難

送李尊師玄

前人

口誦碧簡文身是青霞君頭冠兩片月肩披一條雲松骨
輕自飛鶴心高不羣

送道友

集作送玄亮師

前人

蘭泉滌我襟衫風

集作月

凄我心茗啜綠淨花經誦清柔音

何事

集作處

笑爲別淡然愁不侵

一作禁

送蕭鍊師入四明山

前人

閑於獨鶴心大於高

一作喬

松年迴出萬物表高棲四明巔

千尋直裂峰百尺倒瀉泉絳雪爲我飯白雲爲我田靜言

不話俗靈跡

一作蹤

時步天

贈東嶽張鍊師

劉禹錫

東嶽真人張鍊師高情雅澹世間稀堪爲烈女書青簡又
事元君住翠微金綾機中拋錦字玉清壇上着霓衣雲衢
不要吹簫伴只擬乘鸞獨自飛



